

جريدہ عدلیہ

دو ہجری سنہ

۲۸ شوال ۱۳۳۲ ۵ ایلول ۱۳۳۰

نومبر ۱۱۵

جمعہ اترسی

قسط ۷۷

نوبہرات عدلیہ

عدلیہ نظارتی ہیأت تفتیشیہ ریاستندہ بولنان مفتش عمومی باش معاونلکنہ درسعادت و پارس حقوق
مکتبلرندن مأذون یوسف کمال بک تعیین اولمشدر .
بوارادہ سنہ نك اجراسنہ عدلیہ ناظری مأموردرد .
۹ شوال ۱۳۳۲ ۱۸ اغستوس ۱۳۳۰

نجد رشاد

عدلیہ ناظری
ابراہیم
صدراعظم
محمدسعید

*
**

بتلیس ولایتی استیناف محکمہ سی ریاستہ وان وبتلیس و دیار بکر و معمورۃ العزیز ولایتلری مفتش
عمومی معاونی عطا بک تعیین اولمشدر .
بوارادہ سنہ نك اجراسنہ عدلیہ ناظری مأموردرد .
۹ شوال ۱۳۳۲ ۱۸ اغستوس ۱۳۳۰

نجد رشاد

عدلیہ ناظری
ابراہیم
صدراعظم
محمدسعید

*
**

وان ولایتی استیناف محکمه سی مدعی عمومیلکنه بتلیس ولایتی استیناف محکمه سی مدعی عمومیس آصف وبتلیس ولایتی استیناف محکمه سی مدعی عمومیلکنه وان ولایتی مرکز بدایت محکمه سی حقوق دائره سی رئیس عارف ایندیلر تعیین اولمشدر.

بواراده سینه نك اجراسنه عدلیه ناظری مأموردرد.

۱۲ شوال ۱۳۳۲ ۲۱ اغستوس ۱۳۳۰

محمد رشاد

عدلیه ناظری
ابراهیم
صدراعظم
محمدسعید

* *

منحل اولان محکمه تمیز اعضالغنه درسعادت برنجی تجارت محکمه سی رئیس عارفی بك تعیین اولمشدر. بواراده سینه نك اجراسنه عدلیه ناظری مأموردرد.

۱۲ شوال ۱۳۳۳ ۲۱ اغستوس ۱۳۳۰

محمد رشاد

عدلیه ناظری
ابراهیم
صدراعظم
محمدسعید

* *

وان ولایتی استیناف محکمه سی مدعی عمومیلکنه بتلیس ولایتی استیناف محکمه سی مدعی عمومیس آصف وبتلیس ولایتی استیناف محکمه سی مدعی عمومیلکنه وان ولایتی مرکز بدایت محکمه سی حقوق دائره سی رئیس عارف ایندیلر تعیین اولمشدر.

بواراده سینه نك اجراسنه عدلیه ناظری مأموردرد.

۱۲ شوال ۱۳۳۲ ۲۱ اغستوس ۱۳۳۰

محمد رشاد

عدلیه ناظری
ابراهیم
صدراعظم
محمدسعید

* *

کوشخانه سنجانی بدایت محکمه سی جزا دائره سی ریاسته آیدین ولایتی استیناف محکمه سی اعضاسندن صادق و آیدین ولایتی استیناف محکمه سی اعضالغنه اطنه ولایتی مرکز قضاسی صلح حاکمی محمدحلمی واطنه ولایتی مرکز قضاسی صلح حاکمکنه چورلی قضاسی بدایت محکمه سی حاکمی مرتضی و سینوب سنجانی بدایت محکمه سی مدعی عمومیلکنه جسر ارکنه قضاسی بدایت محکمه سی مدعی عمومیس حازم وقونیه ولایتی

استیناف محکمه سی اعضاسندن سالم افندینک تقاعدنی استدعا ایتمسینه بنی یرینه مرعش سنجانی بدایت محکمه سی مدعی عمومیس حلمی و مرعش سنجانی بدایت محکمه سی مدعی عمومیلکنه چورلی قضاسی بدایت محکمه سی مدعی عمومیس حافظ علی غالب وجده سنجانی بدایت محکمه سی مدعی عمومیلکنه اسکندرون قضاسی بدایت محکمه سی رئیس احمد حمیدی واسکندرون قضاسی بدایت محکمه سی ریاسته حیفه قضاسی بدایت محکمه سی مدعی عمومیس خیری و دیار بکر ولایتی مرکز بدایت محکمه سی اعضاسندن علی نهاد افندینک وقوع و فاتی جهتله یرینه تحویلی ایجاب ایدن کرون قضاسی بدایت محکمه سی رئیس یوسف ضیا وکرون قضاسی بدایت محکمه سی ریاسته تحویل استدعاسنده بولان خیزان قضاسی بدایت محکمه سی رئیس یوسف خاتم وپتورکه قضاسی بدایت محکمه سی ریاسته قیصری سنجانی بدایت محکمه سی اعضاسندن حسین فوزی و قیصری سنجانی بدایت محکمه سی اعضالغنه طلیله قیر شهری سنجانی بدایت محکمه سی مدعی عمومیس حسین حسنی و قیر شهری سنجانی بدایت محکمه سی مدعی عمومیلکنه استدعاسی ملابسسه سیله اینوز قضاسی بدایت محکمه سی حاکم معاونی علی نظمی و دیوریکي قضاسی بدایت محکمه سی ریاسته پتورکه قضاسی بدایت محکمه سی رئیس علی رضا و آجه آباد قضاسی بدایت محکمه سی مدعی عمومیلکنه درسعادت مکتب حقوقدن علی الاعلی درجه ده مأذون و سلانیک مرکز بدایت محکمه سی ضبط کتابتده خدمتی مسبق علی دانش و بیروت ولایتی مرکز بدایت محکمه سی اعضا ملازملکنه قدس شریف سنجانی بدایت محکمه سی اعضا ملازمی داود ابوالسعود و قدس شریف سنجانی بدایت محکمه سی اعضا ملازملکنه عکا سنجانی بدایت محکمه سی اعضا ملازمی سلیم و عکا سنجانی بدایت محکمه سی اعضا ملازملکنه بیروت ولایتی مرکز بدایت محکمه سی اعضا ملازمی سلیم روحی و شتاق قضاسی بدایت محکمه سی مستنطقلکنه کوار قضاسی بدایت محکمه سی مستنطق علی رضا وخنس قضاسی بدایت محکمه سی مستنطقلکنه پاسینار قضاسی بدایت محکمه سی مستنطقی فؤاد افندیلر نقل و تعیین اولمش و طربزون ولایتی استیناف محکمه سی اعضاسندن زهدی افندی ایله سیواس ولایتی استیناف محکمه سی اعضاسندن علی رضا و یافه سنجانی بدایت محکمه سی رئیس حسن رضا افندی ایله کرک سنجانی بدایت محکمه سی رئیس رشید حامی و دینار قضاسی بدایت محکمه سی رئیس شاکر افندی ایله اکین قضاسی بدایت محکمه سی رئیس ابراهیم و وان ولایتی داخلنده رشادیه قضاسی بدایت محکمه سی رئیس حمیدی افندی ایله کوار قضاسی بدایت محکمه سی رئیس صبری و مذکور دینار قضاسی بدایت محکمه سی مدعی عمومیس جمال افندی ایله تحویل طلبنده بولان زاره قضاسی بدایت محکمه سی مدعی عمومیس شریف و ترجان قضاسی بدایت محکمه سی مدعی عمومیس جمیل افندی ایله پلومر قضاسی بدایت محکمه سی مدعی عمومیس حافظ محمد و تحویلی استدعا ایدن پاسینار قضاسی بدایت محکمه سی مدعی عمومیس نظمی افندی ایله سعرد سنجانی بدایت محکمه سی اعضاسندن اسماعیل و حما سنجانی بدایت محکمه سی اعضاسندن محمد صالح افندی ایله حوران سنجانی بدایت محکمه سی اعضاسندن خورشید و کذا حما سنجانی بدایت محکمه سی

اعضاسندن سعيد افندی ایله زور سنجاغی بدایت محکمه سی اعضاسندن فضل الله افندیلرک بجایشلری اجرا قلمشدر .

بو اراده سنیه نك اجراسنه عدلیه ناظری مأمورددر . ۲ شوال ۳۳۲ ۲۱ اغستوس ۳۳۰

محمد رشاد

عدلیه ناظری صدر اعظم
ابراهیم محمدسعید

قوانین و نظامات

« قانون جزانك آلتشجی و آلتش آلتشجی ماده لرینه ذیل »

آلتشجی ماده یه ذیل : آلتشجی ماده ده ذکر و تعداد اولنان احوال خارجنده اوله رق بری و بحری عساکر عثمانیه بی راساً و نقلاً مقالات نشری یا خود بر اجتماع عمومیده و یا جمع ناس اولان محللرده نطق ایرادی و یا خود مجتمع و یا متفرق اختلاطلر ایله تلقینات اجرایی صورتلرندن بریله اطاعت و انضباطدن خروجه تشویق و تحریک ایدنلر موقتاً قلعه بند اولنور .

آلتشجی ماده یه ذیل ثانی : آلتشجی ماده ده بیان اولنان احوال خارجنده اوله رق قوانین و نظامات دولته عدم اطاعت خلق تشویق ایله انضباط و امنیت مملکته تهلکه ایرات ایده جک صورتده مقالات نشر ایدنلر و یا صنوف مختلفه اهالی بی یکدیگری علیه تجاوزده تحریک و تحریر یولنده نشریاتده بولنانلر یا خود بر اجتماع عمومیده و یا جمع ناس اولان محللرده بصورتله ایراد نطق ایلیانلر ایکی آیدن ایکی سنیه قدر حبس اولنور و بولنلردن بش لیرادن الی لیرایه قدر جزای تقدی النور .

اشبو قانونك اجرای احکامنه عدلیه ناظری مأمورددر .

[قوه اجرائیه جه ۲ شوال ۱۳۳۰ و ۱۱ ابول ۱۳۳۰ تاریخنده تنظیم و موقتاً موقع اجرایه وضع ایدیلان اشبو لایحه قانونیه ۳ تموز ۱۳۳۰ تاریخنده مجلس عمومیجه تعدیل قبول ایداشدر]

مجلس اعیان و مبعوثانجه قبول اولنان اشبو لایحه نك قانونیتی و قوانین دولته علاوه سنی اراده ایلدم .

۷ رمضان ۳۳۲ و ۱۷ تموز ۳۳۰

محمد رشاد

عدلیه ناظری صدر اعظم
ابراهیم محمدسعید

قانون جزانك یوز الی بشنجی ماده سنه ذیل ثانی

برنجی ماده ۲۸ ذی الحجه سنه ۱۲۷۴ تاریخی قانون جزانك یوز الی بشنجی ماده سنه ذیل ثانی اولمق اوزره اوزره فقرات آتیله علاوه اولمشدر :

« اشبو قانونده ذکر و تصریح اولنان احوال دن ماعدا خصوصاتده هرکیم آخره متعلق بر مصلحت ایچون بر معامله رسمیه اساس اولمق اوزره نفسنه و یا غیره بر منفعت تأمین و یا آخره مضرت ایقاعی مقصدیه خلاف حقیقت اوله رق اخبار و یا شهادت و یا تصدیق متضمن هر نوع اوراق و شهادتنامه تنظیم و اعطا ایدر و یا خود دوائر و مأمورین مخصوصه سی حضورنده بویولده بیانات کاذبه ده بولنور و یا بویله خلاف حقیقت اوراقی بیلهرک استعمال ایلر ایسه بر آیدن اوچ سنیه قدر حبس اولنور و بش عثمانلی التونندن یوز عثمانلی التوننه قدر جزای تقدی النور و ضرر و قوعه کیش ایسه آیریجه تضمین ایتدیریلور . »

ایکینجی ماده اشبو قانونك اجراسنه عدلیه ناظری مأمورددر .

[قوه اجرائیه جه ۸ جمادی الاول ۳۳۲ و ۲۲ مارت ۳۳۰ تاریخنده تنظیم و موقتاً موقع تطبیقه وضع اولنان اشبو لایحه قانونیه ۳۰ حیران ۳۳۰ تاریخنده مجلس عمومی قبول ایداشدر]

مجلس اعیان و مبعوثانجه قبول اولنان اشبو لایحه نك قانونیتی و قوانین دولته علاوه سنی اراده ایلدم . ۳ رمضان ۳۳۲ و ۱۳ تموز ۳۳۰

محمد رشاد

عدلیه ناظری صدر اعظم
ابراهیم محمدسعید

نفوس قانونی

مواد عمومی

ماده : ۱ بالعموم عثمانیلر کندیلرخی سجل نفوسه قید ایتدیرمکه مجبوردر .

ماده : ۲ نفوس موجوده یرلی و مسافر نامیه ایکی صنف اعتبار اولنور . هر محاک اهالی اصلیه سیله صکره دن کلوب اوراده یرلشمش اولانلر یرلی ، بر صنعت و یا تجارت و یا خود مأموریت و یا تحصیل علم و معرفت کی برایش ایچون موقتاً ساکن بولنانلر مسافر عد اولنور .

ماده : ۳ سجل نفوس ذکور و اناتك اسم و شهرتیه مسلمانلرک دینی و غیر مسلم اهالینک دین و مذهبیله هانکی جماعته منسوب اولدیغی و پدرینک اسم و محل ولادتیه والده سنک اسمی و ولایت وقضا اعتباریه محل و تاریخ ولادت و اقامتگاهنی و صنعت و صفتیه اوکور یازار اولوب اولدیغی و انتخاب صلاحیتی

و منسوب اولدینی اخذ عسکر دائره سنی و نفوس ذکور ک بونی ایله کوز و چهره نك و بیق و صقال و صاچک لوننی و علامت فارقه ثابت سنی و متأهل ایسه زوجیه سی متعدد و پدر و والدیه سی حیاته اولوب اولدیغنی و اسنان و ادوار عسکریه سنی و سنه قریه و شمسیه اوله رق قید تاریخی حاوی اوله جقدر .

ماده : ۴ سجل نفوسه قید ایدیلنلره اوچنجی ماده ده محرر احوال و معاملاتنی حاوی اوله رق مطبوع و مهرلی و بالاسی طغرای همایون و آی و ییلدیز ایله موشح برر هویت جزؤداننی و یریه جک و اشبو جزؤدانلره ولادت تاریخلری سنه قریه و شمسیه اوله رق تحریر و برنومر و لوشکده کوسترلیدیکی وجهله تنظیم اوله جقدر . اشبو هویت جزؤداننی داخله و خارجاً اثنای سیاحته عندالایجاب ابراز اوله جقدر .

ماده : ۵ تبعه اجنبیه دن اولوب ده تحریر اثناسنده موقع تحریرده بولنانلر ابراز ایدم جکلری پساپورت و یا سائر وثائق رسمیه اوزرینه دفتر مخصوصه قید ایدیله جکدر . سجل نفوس قیوداتی اثبات تابعیت مدار احتیاج اوله ماز .

ممالك عثمانیه داخلنده سیر و سیاحت ایدم جک تبعه اجنبیه عندالایجاب پساپورطلرینی ابرازمه مجبوردر .

ماده : ۶ هویت جزؤدانلرینک زیری نفوس اداره لرینه مخصوص مهر رسمی و مأمور مخصوصنک مهر ذاتیسی ایله مختوم اوله جقدر .

ماده : ۷ تبعه دولت علیه دن هر شخص اموال غیر منقوله بیع و فراغ و انتقالده و بر مأموریت و خدمته انتخابنده و مکتبه دخولنده و تقاعد و معزولیت معاشنه استحقاقده و پساپورت معاملاتنده و مناکحاده هویت جزؤداننی ابرازمه مجبوردر . کوستره مدیکی حالده خصوصات مذکور نك اجرایی جزؤدان اخذ ایدنجیه قدر تأخیر اولنور . ارباب جرائمندن اولوب ده تحت توقیفه آله جکلرک حین توقیفلرنده هویت جزؤداننی اولدینی آکلاسیلانلر حقنده تعقیبات قانونیه دوام ایدملکه برابر مدعی عمومینک مذکره سی اوزرینه سجل نفوسه قید و جزؤدانلری اعطا ایدیلور .

ماده : ۸ سجلاتک هر صحیفه سی رقلی و هرایکی صحیفه نك بالای فصل مشترکی محللری محاکم ابتدائیه سنک و محاکم تشکیلاتی هنوز اجرا ایدلمه مش اولان محللرده مجلس اداره نك مهر رسمیسیله و برنجی و انتها صحیفه لرنده دفترک قاچ صحیفه دن عبارت اولدینی بعدالتحریر رئیس محکمه نك و محاکم تشکیلاتی هنوز اجرا اولنمه مش اولان محللرده مجلس اداره رئیسنک مهر ذاتیسیله مختوم و معاملات عسکریه ایله نفوس و قوعاتی و بر ملاحظات خانه سنی محتوی اوله جقدر .

ماده : ۹ تحریر نفوس اجرا و اکال اولنان محللر سکنه سندن اولوب ده بر عذر مشروعه مبنی کندیلرینی سجل نفوسه قید ایتدیره مه مش اولان ذکور و انا نك منسوب اولدقلری محله و یا قریه هیئت اختیار یه سندن کتیره جکلری علم و خبرلر اوزرینه قیدلری اجرا اولنور و بو مثلورلدن کندیلرینی بلا عذر قید

ایتدیرممش اولانلر اوصورتله سجل نفوسه اجرای قیدلریله برابر حقلرنده اون اوچنجی ماده موجبجه معامله اولنور .

ماده : ۱۰ جزؤدانلرینی ضایع ایدنلره اقامت ایلدیکی محله و یا قریه دن کتوریه جک علم و خبر اوزرینه قیدی موجبجه ضایعندن جزؤدان و یریه جکدر . قیدی اوراده دکلسه مقید اولدینی محلدن مصدق کیه سی جلب اوله رق اول وجهله اعطا اوله جقدر .

ماده : ۱۱ تصحیح سن و قید واسم معاملاتنی بدایت محکمه سی حقوق دائره سنده مدعی عمومی حاضر اولدینی حالده نفوس مأموری و مستدعی مواجهه سنده بالحاکمه و یریه جک قرار اوزرینه اجرا اولنور . اشبو قرارلر قابل استیناف دکدر . بویولده کی تصحیح ادعایلی هویت جزؤدانلرینک اصحابنه اعطاسی تاریخندن اعتباراً آلتی آی ظرفنده و اثنای تحریرده صغیرالسن بولنانلرک اون سکر یاشنه دخولرینه قدر مسموع اولوب بومدتلردن صکره مسموع اولماز . تصحیح سن و قید واسم معاملاتندن متضرر اولدیغنی ادعا ایدن اشخاص محاکمه نك حین اجرا سنده شخص ثالث صفتیه مداخله یه و بعدالحکم اعتراض الغیر صورتیه مراجعت و دعویاه صلاحیتداردر . بویابده واقع اوله جق هر نوع دعاوی بلا خرج رؤیت اولنور .

ماده : ۱۲ صنعت و صفت و مذهب و اشکال کی قابل تغیر اولان قیدلره عالیه شهرتی و مخلص مثللو هویت جزؤداننه یا زلامش اولان احوال محال و دوائر متعلقه سندن کتیریه جک علم و خبر اوزرینه نفوس دائره لرینجه قید و تصحیح اولنور .

ماده : ۱۳ بلا عذر کندیلرینی سجل نفوسه قید ایتدیره مه مش اولان ذکور و انا نك یکریمی بش غروشدن الی غروشه قدر جزای نقدیه محکوم اولور و جزای نقدی یی و یرمیان نفوس ذکور بهر یکریمی بش غروشه و کسوراته بدل یکریمی درت ساعت حبس اولنور .

نفوس مکتومه دن اولوب ده اخذ عسکر قانونی موجبجه معامله زجریه کورنلردن آبروجه جزای نقدی آلتماز . خدمت عسکریه دن قورتارمق مقصدیه کتم نفوس ایدنلر قانوناً مجازات ایدیلور .

ماده : ۱۴ سجل نفوسده بولنان قیودی تغیر و تحریف ایدن و ایتدیرنلر و تحریر و سجل معاملاتنه فساد قاریشدیرانلر و هویت جزؤداننی ساخته اوله رق یاپان و یا تغیر و تحریف ایدن و بو مقوله ساخته و یا بشقه بر کیمسیه عا ئد جزؤداننی بیلهرک استعمال ایدیلنلر جزا قانوننک مواد مخصوصه سی موجبجه مجازات اولنور . علی العموم سجل نفوس معاملات قیودیه سی اصول و قانونه توفیقاً تنظیم ایتیان و یا وقوعاتی وقت وزماننده سجله کچیرمیوب اوراق اوزرنده بر اقان مأمورلر برنجی دفعه نصف و ایکنجی دفعه تام معاش قطعی و اوچنجی دفعه مأموریتدن عزلی صورتیه مجازات اولنور و مأمورینک بو مثللو حرکاتی صرف اثر تکاسل اولیوبده بر سوء قصد و نیته مبنی اولور و بر جرم تشکیل ایدرسه حقلرنده بشقه جه ترتیب مجازات ایدیلور .

اشبومعاملاتدن متضرر اولانلرک ضرر و زیانی دخی تضمینه محکوم اولورلر .

ماده : ۱۵ کندیته تعلق ایدن نفوس قیوداتنک صورتی آله هر فردک صلاحیتی واردر . اشبو صورتلرک سجله موافق اولدینی نفوس مأموری طرفندن تصدیق ایدلمسی لازمدر . بو قیل قید صورتلری عکسی ثابت اولنجهیه قدر معتبردر .

ماده : ۱۶ هر سنه نهایتده بدایت محکمه لری مدعی عمومی ویا معاونلری نفوس سجلاتیه وقوعات دفترلرینی تدقیق ایده جک و مخالف قانون احواله مصادف اولورلرسه مأمورین مالکیه محاکماتی حقنده جاری اولان اصوله توفیقاً مسیبلرینک اجرای محاکمه لری ضمننده برتقریر تنظیمیه الک بیوک ملکیه مأمورینه تودیع ایلیه جکدر .

ماده : ۱۷ تحریر نفوس هراون سنه ده بر کره اجرا و صورت تحریر تعلیمات مخصوصه ایله تعیین ایدیه جکدر .

ماده : ۱۸ نفوس اداره لرینک تشکیلاتی و مأمورلرینک وظائفی نظامنامه مخصوص ایله تعیین اولنه جکدر .

برنجی فصل

تولدات وقوعاتنک اصول ضبط و تحریری

ماده : ۱۹ تولد ایدن بر چوجغک پدر ویا ولیسی ویا وصیسی مختار ایله ایکی شاهد حضورنده چوجغک اسمیه محل و تاریخ و یوم ولادت و پدر ووالده سنک اسملریله محله و زوفاغنی و خانه نومروسی و شاهدلرک اسم و شهرت و صنعتلریله محل اقامتلرینی مبین وقوعات علم و خبرینی املا و نهایت آلتی آی طرفنده نفوس اداره سنه اعطا ایتکه مجبوردر .

تولداتی وقت وزمانیه اخبار ایتیمانلردن حکماً یکرمی بش غروشدن الی غروشه قدر جزای نقدی آلتور و جزای نقدی بی تأدیه دن امتناع ایدنلر یکرمی بش غروشدن الی غروشه قدر یکرمی درت ساعت حبس اولنور .

طوغان چوجغک پدری ویا والده سی مجهول ایسه سجل نفوسه صورت قیدی تعلیمات مخصوصه سنه تابعدر .

ماده : ۲۰ اوتیه برویه براغیلان چوجغکلرک اوزرلرنده منسوب اولدقلری جماعته دائر اشارت اولدینی حالده اوصورتله واولدینی تقدیرده مسلم صقیله قید اولنه جکدر .

ماده : ۲۱ هنوز تولد ایتیش برچوجق بولانلر زرده نصل ونه وقت بولدینی بیان ایله برابر چوجنی ویاننده بولدینی البسه یی واوزرنده کی اشارتی قریه لده هیئت اختیاریه یه و قصبه و شهرلده ضابطه یه اعطا

ایده جک و بونک ایچون برضبطنامه تنظیم اولنه رق چوجغک سن ظاهری و ارکک ویا قز اولدینی و اسمیه اولنه جق اسمی ایله تسلیم ایدیه جکی محل تصریح و بو ضبطنامه سجل نفوسه قید اولنه جکدر .

ماده : ۲۲ خسته خانه و حبسخانه لده طوغان چوجغلرک کیفیت تولدی حقنده حبسخانه و یاخسته خانه مدیرینک تصدیقیله طیب و قابللری طرفندن ویریه جک شهادتنامه لر نفوس اداره لرینه کوندریله رک مماله قانونیه اجزا ایتدیریه جکدر .

ماده : ۲۳ مأموریت و تجارت ویا سائر صورتله بر محله مافرة اقامت ایدنلرک اوراده تولد ایدن چوجغلری او محکک مسافردقینه قید اولندقدن صکره کیفیت پدرلرینک ، اولدینی حالده والده لرینک اساساً مقید بولندقلری محکک نفوس مأمورلرینه باعلم و خبر تبلیغ اولنه جکدر .

ماده : ۲۴ ممالک اجنبیه ده بولنان تبعه عثمانیه اورالرده طوغان چوجغلرینی شهیدلرک تعلیماتی احکامنه توفیقاً قید ایتدیرمه مجبوردر . شهیدلرک تعلیمات مذکوره احکامی دائره سنده تنظیم و مهر رسمی ایله تحتم ایلیه جکلری علم و خبری داخلیه نظارتیه تبلیغ اولنق اوزره خارجیه نظارتیه ارسال ایده جکدر .

داخلیه نظارتی نفوس عمومیه اداره سی واسطه سیله بونلری پدرلرینک و پدرلری بر حیات اولدینی حالده والده لرینک مقید بولندقلری محکک اورالرده سجل نفوسه قیدلرینی اجرا ایتدیره جکدر .

انهای سیاحتده سفینه و واپورلرده وقوع بوله جق تولدات ایچون پدر ویا والده لری ایکی شاهد حضورنده قیوداندن بر شهادتنامه آله جکدر . ممالک عثمانیه یه عزیمت ایتکده ایسه لر مملکتلرنده اشبو شهادتنامه لره ابتناء چوجغلرک قیدلرینی اجرا ایتدیره جک و ممالک اجنبیه یه کیتکده ایسه لر بو شهادتنامه لر شهیدرخانه لره اعدا قله جکدر . شهیدلرک دخی بونلری بالقید مهر رسمی ایله تصدیق ایتدکن صکره خارجیه نظارتی معرفتیه داخلیه نظارتیه ارسال ایده جک و داخلیه نظارتی اشبو شهادتنامه لری نفوس عمومیه اداره سی واسطه سیله چوجغلرک پدرلرینک و پدرلری بر حیات اولدینی حالده والده لرینک مقید بولندقلری محکک نفوس مأمورلرینه کوندروب سجل نفوسه قید ایتدیره جکدر .

ماده : ۲۵ بر بطنده طوغان متعدد چوجغلرک هانکیسی اول و هانکیسی آندن صکره تولد ایتدیکی ضبط و تصریح اولنه جکدر .

ایکنجی فصل

تناکح و ازدواج وقوعات

ماده : ۲۶ اهالی مسلمنه ییننده جریان ایدن مناکحات حکام شرع ویا نائبلری و جماعات غیر مسلمنه مناکحاتی رؤسای روحانیلری و یا خود صلاحیتدار اولان وکیللری طرفندن ویریلان اذنامه لر اوزرینه اجرا قله جکدر . عقدک وقوعندن صکره کیفیت عقدی مبین بر علم و خبر تنظیم و عقدی اجرا

ایدن امام ، پاپاس ویا خاخامه تصدیق و تختیم ایتدیره رك نفوس مأمورلری بولنلر محللرده ایکی هفته و بولنلیان محللرده ایکی ماه ظرفنده منسوب اولدینی نفوس اداره سنه اعطایه زوج مجبوردر .
مناکحات و قوعاتی بلا عذر شرعی مدت مذکوره ظرفنده قید ایتدیرمیان زوجدن حکماً یکرمی بش غروشدن الی غروشه قدر جزای نقدی آلنور واشبو جزای نقدی اعطادن امتناع ایدنلر یکرمی بش غروشدن الی غروشه قدر یکرمی درت ساعت حبس اولنور .

ماده : ۲۷ ماده سابقهده محرر علم و خبره زوج و زوجه نك اسم و شهرت و سن و صنعتی و محل تولد و اقامتی ، پدر و والد لری نك اسم و شهرت و منسوب اولدینی جماعت و صنعت و محل اقامت لری و شاهد لرك اسم و شهرت و سن و صنعت لری مناکحات علم و خبر لری نه درج ایدیه جکدر .
ماده : ۲۸ مسقط رأسی اولان محلدن بشقه بر محله تأهل ایدنلرك کیفیت ازدواجی حاوی مناکحات علم و خبر نك صورتی بولدینی محل نفوس مأموری طرفندن منسوب اولدینی محل نفوس مأمورینه کوندریله جکدر .

ممالك اجنبیهده وقوع بوله جق مناکحاتی زوج طرفندن اصولی دائره سنده کتیریله جك وثیقه اوزرینه شهنبدلر دفتر مخصوصه قید و اصولاً بر علم و خبر تنظیمیه خارجیه نظارتنه ارسال ایده جکدر . اشبو علم و خبرلر خارجیه نظارتی طرفندن داخلیه نظارتنه کوندریله جکدر .

ماده : ۲۹ طلاق و قوعنده زوج ایکی شاهد حضورنده بر علم و خبر تنظیم و آنلرله ائمه و مختارانه تصدیق ایتدیره رك و جماعات غیر مسلمهده علی الاصول صلاحیتدار اولان رؤسای روحانیه دن بر علم و خبر آله رق بو علم و خبری تصحیح قید ایچون نفوس اداره سنه اعطا ایده جکدر . مطلقه ویا قیدی آخر دیارده ایسه اشبو علم و خبر لرك بر صورتی محلی نفوس مأمورینه تبلیغ ایدیه جکدر .

بو معامله یی نفوس مأمورلری بولنان محللرده ایکی هفته و بولنلیان محللرده ایکی ماه ظرفنده ایفا ایتیمان زوجدن حکماً یکرمی بش غروشدن الی غروشه قدر جزای نقدی آلنه جق و ویرمدیکی صورتده یکرمی بش غروشدن الی غروشه قدر یکرمی درت ساعت حبس اولنه جکدر .

ماده : ۳۰ محاکم شرعیهده اجرا اولنان نکاح و طلاق ایچون زوج حکام ویا نائبلرندن بر علم و خبر آله رق نفوس اداره سنه اعطا ایده جکدر .

اوچنجی فصل

وفیات و قوعاتی

ماده : ۳۱ وفات و قوعنده متوفانك و پدر نك اسمی و متأهل اولوب اولمادیغنی و متأهل ایسه کیمك زوجی ویا زوجہ سی اولدیغنی و سنی و صنعتی و مسقط رأسی و سبب وفاتی و وفاتنك یوم و قابل ایسه ساعتی

میین ایکی شاهد حضورنده تولدات و قوعاتنه عائد اصول دائره سنده بر علم و خبر تنظیمیه محلی نفوس اداره سنه ویرمه مختاران مجبوردر .

اشبو معامله یی نفوس مأموری بولنان محللرده ایکی هفته و بولنلیان محللرده ایکی ماه ظرفنده ایفا ایتیمان مختارلردن حکماً الی غروش جزای نقدی اخذ اولنه جکدر و جزای نقدی یی ویرمیانلر قرق سکر ساعت حبس ایدیه جکدر .

ماده : ۳۲ مقید اولدینی محلك غیر یسنده وفات ایدنلرك کیفیت وفاتی بولندقلری محلك نفوس مأمورلری طرفندن مقید اولدقلری محلك نفوس مأمورینه بیلدیریله جك و آنلر طرفندن ده متوفانك محله و قریه لری مختاراننه تبلیغ اولنه جکدر .

ماده : ۳۳ خسته خانه لرله حبس خانه لرده وقوع بوله جق و فیات مدیرلری طرفندن ماده سابقهده کی تفصیلات وجهله هرمه برر دفتری یاییله رق هویت جزؤدانلری ایله برابر محلی نفوس اداره سنه کوندریله جك و ممالك اجنبیهده وقوع بوله جق و فیات سفارت و شهنبدلر طرفندن با تحریرات خارجیه نظارتی معرفتیه داخلیه نظارتنه تبلیغ اولنه جکدر .

ماده : ۳۴ کیفیت وفات بالاده محرر درت ماده موجبنه کله جك علم و خبر و دفتر و تحریراتلر اوزرینه قیدینه اشارت اولنه جکدر . انشای سیاحتده سفینه و واپورلرده وفات ایدنلر ویا خود صویه دوشه رك غرق و نابید اولانلر ایچون قیودان طرفندن ایکی کشیک شهادتیه بر علم و خبر تنظیم ایدیه جك و بو علم خبرلر واپور ویا کینك اوغرایه جنی اسکله لر ممالك عثمانیه داخلنده اولدینی حالده قرائتته اداره سنه و ممالك اجنبیهده ایسه شهنبدلر خانه لرله اعطا اولنه جکدر . قرائتته اداره سی ویا شهنبدلر خانه لر بو علم و خبرلری خارجیه نظارتی معرفتیه داخلیه نظارتنه ارسال ایله جك و داخلیه نظارتی نفوس عمومیه اداره سی واسطه سیله متوفانك مقید بولدینی محلك نفوس مأمورینه کوندروب سجل نفوسه قیدینی اجرا ایتدیره جکدر .

ماده : ۳۵ عثمانی شهنبدلری بولنلیان ممالك اجنبیهده تبعه عثمانیه حقنده جریان ایده جك تولدات و مناکحات و طلاق و وفیات و قوعاتی مقیم اولدقلری محل مأمورین متعلقه سنك تصدیقی حاوی ورقه رسمیه اوزرینه قید و اجرا اولنور .

ماده : ۳۶ بر اعدام حکمنك اجراسنی متعاقب مدعی عمومی ویا وکیلی طرفندن وفات معامله سنده یابلدینی وجهله بر قطعه ضبطنامه تنظیم و یکرمی درت ساعت ظرفنده اعدامك اجرا ایدلکی محل نفوس مأمورینه اعطا قلنور .

دردنجی فصل

نقل خانه و تبدیل مکان و قوعاتی

ماده : ۳۷ سجل نفوسده مقید اولانلر توطن صورتیه بر موقعدن دیگر موقعه نقل خانه ایلدکلی

حاله ترك ایدہ جکاری محلك نفوس اداره سنہ مراجعتله هویت جزؤدانہ اشارت ایتدیرمکه و کیتدکلی محله دخی علی الاصول بر علم و خبر اخذیله اورانك نفوس مأمورینه اعطایه مجبوردرلر . نفوس مأموری اشبو علم و خبرلر اوزرینه نقل خانه معاملہ سنی یرلی دفترندہ و هویت جزؤدانلرنده اجرا ایدر . نقل خانه ایدنلرک قیدلری نفوس مأمورینك دائرہ مأموریتی خارجندہ بولندینی تقدیرده کیفیتی او محل نفوس اداره سنہ و نقل خانه ایدن عائله میاننده اسنان وادوار عسکریه داخلندہ نفوس وار ایسه آئی ده منسوب اولدینی اخذ عسکر شعبه سنہ بیلدیرر .

ماده : ٣٨ مسافر صورتیله تبدیل مکان ایدنلر کیتدکلی محله آلتی آیدن زیاده اقامت ایتک مجبوریتندہ بولندقلری تقدیرده ساکن اولدقلری محله ویا قریه ده اخذ وارانہ ایدہ جکاری علم و خبر اوزرینه نفوس اداره لرنجه مسافر دفترندہ تبدیل مکان معاملہ سی اجرا ووطن اصلیمی نفوس مأمورینه و بونل میاننده اسنان وادوار عسکریه داخلندہ بولنلر وار ایسه محلی اخذ عسکر شعبه سنہ ده معلومات اعطا اولنور . نقل خانه و تبدیل مکان صورتندہ اولیوب مجرد زیارت ویا سیاحت طریقله بر محلدن دیگر محله کیدنلر بو مثللو معاملہ دن وارسته درلر . انجق بوکیلرله موقتاً تبدیل مکان ایدنلرک بولندقلری یرلرده توطنی اختیار ایتدکلی حالده اصولی دائره سنده نقل خانه معاملہ سنی اجرا ایتدیرمدکجه یرلی دفترلرینه نقللری جائز اوله ماز .

ماده : ٣٩ موقتاً تبدیل مکان وقوعندن صکره حادث اوله جق تولدات و مناکات ووفیات کبی وقوعات اصولی دائره سنده نفوس مأموری طرفندن تبدیل مکان ایدنلرک وطن قدیمی نفوس مأمورینه بیلدیریلرک اوراجه دخی قیدینه اشارت اولنور .

ماده : ٤٠ اوتوز یدنجی ماده ده محرر نقل خانه معاملہ سنی وصولی بارینجندن اعتباراً ایکی ماه ظرفده اجرا ایتدیرمین رئیس عائله دن یکرمی بش غروشدن الی غروشه قدر جزای نقدی آله جقدر .

بشنجی فصل

سجل نفوس وقوعاتندہ آله جق خرجلر

ماده : ٤١ انهای تحریرده ویا بعدالتحریر مجددآ ویا تبدیلاً ویا ضایعندن اعطا ایدیلہ بک وتولدات ایچون ویریلہ جک هویت جزؤدانلرنندن بر غروش خرج آله جقدر . شوقدرکه فقر حاللرینی منسوب اولدقلری محللرک علم و خبرلریله اثبات ایدنلرله حکومتجه اداره لازم کلان محللرده هویت جزؤدانلرینك مجاناً توزیع و اعطاسی مجازدر .

ماده : ٤٢ مناکاته دائر ویریلہ جک وقوعات علم و خبرلرنندن بر غروش خرج آله جقدر .

ماده : ٤٣ نقل خانه و تبدیل مکان ایچون ویریلہ جک وقوعات علم و خبرلری یالکیز برخان خلقنه

مخصوص اوله رق رئیس عائله ن بر غروش آله جق وتولدات و طلاق ووفیات وقوعاتندن خرج آله جقدر . شهنیدرلر دخی اشبو وقواته متعلق تنظیم و خارجیه نظارتنه ارسال ایدہ جکاری اوراقدن بر کونه خرج آله جقدردر .

ماده : ٤٤ هویت جزؤدانلریله بالجله وقوعات علم و خبرلری تمغا رسمندن معافدر .

ماده : ٤٥ اشبو قانونك اجرای احکامنه عدلیه و داخلیه و خارجیه ناظرلری مأموردر .

ماده موقته — هویت جزؤدانلری اعطا اولنجهیه قدر نفوس معاملاتنی تذکره عثمانیه لر اوزرینه جریان ایدہ جقدر .

مجلس اعیان و مبعوثانجه تعدیلاً قبول اولنان اشبولایجه نك قانونیتنی وقوانین دولته علاوه سنی اراده ایلدم .

ه شوال ١٣٣٢ ١٤ اغستوس ١٣٣٠

محمد رشاد

عدلیه ناظری داخلیه ناظری وکیل صدراعظم و خارجیه ناظری
ابراهیم جاوید محمد سعید

تبلیغات عثمیه

عمریه نظارت هیدرندہ نطیر اولنانه . . . تاریخی تحریرات عمومی صورته در :

« جلب و احضار مذکره لرینك تبلیغ و انفاذی حقنده »

جلب و احضار مذکره لرینك تبلیغ و انفاذی مقصدیله ژاندارمه مرتباتندن معین و محدود قوتلر تفریقی بعض طرفدن اشعار اولنمقدہ ایسه ده بونك اسباب عدیده دن طولانی قطعاً ممکن و جائز اوله میوب مدعی عمومیلر ایله برلکده ژاندارمه قوماندانلرینك تلافی دوریه لرینه عائده جدوللری تدقیق و اصلاح ایللری اخیراً اتخاذ اولنان مقررات جمله سندن اولسنه مبنی بوجهت تأمین اولنور ایسه اوراق عدلیه نك تنفیذ و اجراسی اصلادوچار تأخر اولیه جنی عموم ژاندارمه قوماندانلغك اشارینه عطفاً داخلیه نظارت جمله سندن بیلدیرلش و اشعار واقع موافق مصلحت کوریلرک کیفیت بالعموم استیناف مدعی عمومیلرکینه تبلیغ قلنمش اولغله اوراجه ده اولوجهله اجرای ایجابی ضمنتده دائره مأموریتلری داخلنده کی محاکمه لاجل التوزیع اشبو تحریرات عمومی نك نسخ مطبوعه کافیه سی لفاً ارسال قلنمشدر .

محکمہ تمیز مقرراتی

محکمہ تمیز لہیت عمومی مقرراتی

محکمہ تمیز لہیت عمومی سندھ صادر اولاد ۲۹ ضربہ سہ ۳۳۰ تاریخ ۳۸۳ نورولی اعلام صورتیہ:

«تبلیغ دہ، امضادن استکاف ایدلہ کی حالتہ باشر طرفندن صورت حالی مبین»

«یازیلہ ق شرعی ایجاب ایدلہ تصدیق ایتدیرمک لزومہ دائر»

در سعادت استیناف محکمہ سی جنبہ دائرہ سندن ایکنجی دفعہ اولہ رق تنظیم واعطا واسماعیل حق افندی جانبندن شرائط لازمہ سی بالایفا مدت قانونیہ سی ظرفدہ تمیزاً تدقیق استدعا قلنان ۲ کانون ثانی سنہ ۳۲۹ تاریخلی اعلام و متفرعاتی باش مدعی عمومیک مأموریت علیہ سنک ۲۴ شباط سنہ ۳۲۹ تاریخلی و درت بیک ایکی یوز یتیش اوچ نومروده تبلیغنامہ سیلہ محکمہ تمیزک ہیئت عمومیہ سنہ تودیع اولمغلہ لدی المطالعہ اعلام اخیر مذکورک اصراری حاوی اولدینی اتفاقلہ تحت قرارہ الندقدن صکرہ اساس مادہ حقندہ تدقیقات لازمہ اجراسنہ ابتدار اولندی .

اعلام مذکورک خلاصہ مالی پولیس عالی افندی اجرای وظیفہ حالتہ ضرب وتحقیق ایدلہ کی ادعا اولنان مستدعی اسماعیل حق افندی تکدید جزاسنہ دائرہ بدایت ویریلان اعلامک تصدیقی متضمن تنظیم واعطا قلنان اعلام غیابی استینافی علیہندہ مومی الیہ اسماعیل حق افندی جانبندن معطی اعتراض علی الحکم عرفحال اوزرینہ معترض مومی الیہ ویرملک اوزرہ اقامتکاکندہ والدہ سنہ تبلیغ قانونی ایفا اولدینی حالتہ ایلمک یوم اجتماعدہ محکمہ دہ اثبات وجود ایتدیکندن عرفحال مذکورک کان لم یکن عدینہ دائرہ مقدما صادر اولان اعلام استینافک تمیزاً نقض واعادہ اولنسی اوزرینہ بوکرہ اجرا قلنان محاکمہ و تدقیقات استینافیہ نتیجہ سندہ مومی الیہ اسماعیل حق افندی طرفندن ویریلان اعتراض استدعاسی اوزرینہ دعوتی متضمن ورقہ نک نسخہ اصلہ سندہ دیگر نسخہ نک مومی الیہ خانہ سندہ والدہ سی فاطمہ خانمہ مباشر حسن افندی معرفتہ تبلیغ اولدینغہ دائرہ شرح صاری یار قریہ سی امامی طرفندن تصدیق وجلبنامہ نک قریہ امامی مواجہہ سندہ برلکدہ ساکنہ مومی الیہ والدہ سی فاطمہ خانمہ تبلیغ و تسلیم ایدلہ کی آریجہ تبلیغہ مأمور مباشری طرفندن شرح و بیان ایدلمش اولمسنہ نظراً تبلیغات واقعہ نک قانون دائرہ سندہ اجرا ایدلہ کی نمایان اولمش ایدوکندن بحثلہ مومی الیہ اعتراض استدعاسنک کان لم یکن عدی حقندہ مقدما اتخاذ اولنان قرارہ اصرارہ قرار ویرلہ کی متضمندر تمیز استدعاناہ سندہ محکمہ تمیزک اسباب تقضیہ سی واجب الاتباع بولنمش ایکن حکم سابقہ اصرار اولسنی مغایر قانون ایدوکندن بحثلہ اعلام اخیر استینافینک دخی نقضی استدعا

اولنمش و تبلیغنامہ دہ دخی تمیز استدعاناہ سندہ اعلام تمیز بہک مغایرت قانونیہ سندن بحثلہ سرداولنان اعتراض اعلام مذکورہ محرر اسباب موجبہ قانونیہ نظرآ غیر وارد ایدوکی بیانیہ اعلام مذکورک تصدیق لزومی کوسترلشدر .

ایجابی لدی المذاکرہ مومی الیہ اسماعیل حق افندی محکومیتی حاوی غیاباً تنظیم قلنان اعلام استینافی علیہندہ اعطا ایدلہ کی اعتراض علی الحکم عرفحال اوزرینہ تعیین اولنان یوم محاکمہ کی ناطق نامہ تحریر ایدلمش و اوراق میانندہ موجود بولنمش اولان دعوتیہ ورقہ سی محتویاتندن منفہم اولدینی اوزرہ ورقہ مذکورہ نک برنسخہ سی مومی الیہ والدہ سنہ تبلیغ اولدینی حالتہ مزبورہ نک امضاسنک النسی و امتناعی وقوعندہ مباشر طرفندن زیر ورقہ صورت حالی مبین یازیلہ جق شرک ایجاب ایدلہ تصدیق ایتدیرلسی لزوم قانونیسنہ قارشو شویولادہ معاملہ اتخاذ و اجرا اولنمایوب مذکور نسخہ نک یالکز تبلیغہ مأمور مباشر جانبندن امضا ایدلمش اولسنی مدار معاملہ ارلامایہ جنی درکار اولان اشبو دعوتیہ ورقہ سنہ استناداً تبلیغ واقع معتبر عدیلہ ذکر اولنان اعتراض عرفحالک کان لم یکن عدی جہتہ کیدلسی یولسز و مخالف قانون اولدینغہ دائر اولان استدعا دائرہ سنک نقض سابق مصیب و واجب الاتباع کورلدیکندن اصول محاکمات جزائیہ قانوننک اوچیوز قرق النجی مادہ سی حکمنہ توفیقاً اعلام اخیر استینافینک دخی اسباب مشروحہ دائرہ سندہ تقضیلہ اولوجہلہ ایفای معاملہ اولنشق اوزرہ اوراق متعلقہ سنک محکمہ مذکورہ یہ اعادہ سنہ و درتیوز غروش اعلام خرجنک تعرفہ و تعلیمات خصوصہ سنہ توفیقاً ایلرودہ حقسنر حیقہ جق طرفندن استیفاسنہ ۷ مایس سنہ ۳۳۰ تاریخندہ متفقاً قرار ویرلدی .

محکمہ تمیز مقرراتی

محکمہ تمیز مقرراتی دائرہ سندہ صادر اولاد ۱۵ مارت سہ ۳۲۸ تاریخ ۹ نورولی اعلام صورتیہ:

«التزام»

معمورۃ العزیز و ملاطیہ بلدیہ دائرہ لریلہ اوچیوز یکرمی یدی سنہ سی شیخ حسن سفینہ سی ملتزمی علی بک زادہ حاجی رشید آغا بینندہ متکون دعواہ دائرہ ملاطیہ بدایت محکمہ سندن ۱۸ نیسان سنہ ۳۲۹ تاریخلی و اوتوز اوچ عددی الیہ ویریلوب ہرابکی دائرہ بلدیہ وکیلاری طرفندن تمیزاً تدقیق استدعا قلنان اعلام باش مدعی عمومیک مأموریت علیہ سنک مطالعہ نامہ سی آندقدن صکرہ یالکز مستدعیرک اعتراض لایحہ سیلہ بالمطالعہ تدقیقات تمیزیہ اجراسنہ ابتدار قلندی .

اعلام مذکور مندرجاتنہ کورہ : مزبور حاجی رشید آغا محکمہ مذکورہ یہ باعرفحال مراجعتلہ نصفی

معمورة العزيز ونصف دیگری مارطیه بلدیہ لرینہ عائد شیخ حسن سفینہ سنی اوچیز یکر می سنہ سنہ محسوباً
ارن یدی بیک بشیوز غروشلہ شریکی توفیق چاوش نام کسہ ایہ درعہدہ والتزام ایلشلر ایسہدہ سفینہ نک
غرق اولسنہ و مجدداً انشاسنہ قدر آرادن طقسان بش کون مرور ایلدیکی جہتلہ بوکر نلرہ عائد درت بیک
یدی یوز اون بر غروشک وقوع بولان مراجعتی اوزرینہ ملاطیہ بلدیہ و مجلس اداره سنجہ بدل التزامدن
تنزیلنہ قرار ویرلدیکی حالہ الیوم محسوبی احرا قلمدیغندن اجرای محسوبی طلب و دعوی و بلدیہ و مجلس
ادارہ دن معطی ایکی قطعہ قرار صورتی ابراز واعطا ایتسنہ قارشو مدعی علیہما دائرہ وکیلرینک انکار مدعا
ایللری اوزرینہ مدعی عمومی حضو یلہ اجرا قلنان محاکمہ و تدقیقات نتیجہ سنہ مبلغ مذکورک اولبابدہ کی
ایکی قطعہ قرار صورتی موجب سنجہ بدل التزامدن تنزیلنہ حکم و قرار ویرلدیکی آکلاشلمشدر .

مستدعیل طرفندن ویریلان لایحہدہ : سفینہ نک غرق اولهرف معطل قالدیغنه دائر برکونا اسباب
ثبوتیہ قانونیہ موجود اولمادیغنی حالہ برمنوال محرر قرار ویرلسی و سفینہ نک نصفی معمورة العزيز بلدیہ سنہ
عائد اولدیغنی جہتلہ بوقسم حقندہ کی دعوانک اوراجہ رؤیتی لازم کلور ایکن خلاف صلاحیت ملاطیہ
محکمہ سنجہ رؤیت و حکم ایللسی یولسز و مغایر قانون اولدیغندن بختلہ اعلامک تقضی طلب و استدعا اولمش
وانف الیان مطالعہ نامہ مالی ایسہ لایحہ تمیزیدہ سرد اولنان اعتراضک غیر وارد کورلدیکی بیاندندن عبارت
بولمشدر .

ایجابی لدی المذاکرہ خصوص مدعا ہر نہ قدر برمنوال محرر حکم و اعلامہ ربط اولمش ایسہدہ مذکور
نہردہ کی اجرت امراریہ نک معمورة العزيز و ملاطیہ بلدیہ لری طرفندن مشترکاً التزام اولمش اولسنہ نظراً
محکمہ جہ تدقیقات لازمہ اجراسیہ سفینہ نک غرق مدتندہ ملتزمک صور سائرہ ایلہ یولجی امرار و بوضورتلہ
استیفای منفعت ایدوب ایتدیکی بالتحقق استیفای منفعت ثابت اولدیغنی صورتندہ مدعینک رد استدعاسنہ قرار
ویرلمک و عکسی تقدیردہ تحقق ایدہ جک ضررک بدل التزامدن تنزیلی اجرا قلمق مقتضی بولندیغنی حالہ
ملاطیہ بلدیہ سنک تحقیقاتی کافی کوریلہ رک بوتحقیقاتلہ معمورة العزيز بلدیہ سنی علینہدہ حکم اعطا قلمسی
یولسز و مغایر قانون اولدیغندن اصول محاکمہ حقوقیہ قانونک ایکسور اتور ایکسجی و ایکسور قرق برنجی
مادہ لری موجب سنجہ اعلام مذکورک تقضیلہ ایکسور قرق دردنجی مادہ سنی حکمنہ توفیقاً کیفیتک تکرار
بالرؤیہ اعلامہ ربطی ضمنندہ محکمہ مذکورہ یہ اعادہ سنہ واشبو دعوادن طولانی اختیار اولنان مصارفک
الیزودہ حقسنر حقیقہ جق طرفہ عائد اولسنہ ۱۵ مارت سنہ ۳۳۰ تاریخندہ متفقاً قرار ویرلدی .

محکمہ تمیز صفوہ دائرہ سنہ صادر اولوب ۱۹ مابس سنہ ۳۳۰ تاریخندہ قرار ویریلہ ۵۰۹ نومردی
اعلام صورتیدر :

« محکمہ دعوی واقعہ نک مرور زماندن دولای عدم استماعنہ قرار ویرمیوب بالعکس »
« اساس مادہ نک تدقیقہ کیریشمی و آکا کورہ اعطای قرار ایتسی لازمدر »

مرسینک جامع شریف محلہ سنہ مقیم زراعدن ارسلان اوغلی اوراھام ایلہ مرسیندہ فرانسنہ دولت
فخیمہ سنی قونسولاتو ترجمانی بطریس شا کر افندی بینلرندہ متحدث دعوا یہ دائر اطنہ استیناف محکمہ سنندن
۱۱ کانون ثانی سنہ ۳۲۹ تاریخلی والتمش درت عدلیہ ویریلوب مرقوم اوراھام طرفندن تمیزاً تدقیقی استدعا
قلنان اعلام طرفینک اعتراض و جواب لایحہ لریلہ بالمطالعہ تدقیقات تمیزہ اجراسنہ ابتدار قلندی .
اعلام مذکورک خلاصہ مندرجاتنہ نظراً مزبور بطرس افندی مرسین بدایت محکمہ سنہ باعر فحال
مراجعتلہ معلوم الحدود و الموقع عرصہ سنہ مزبور اوراھام طرفندن فضولی وقوع بولان مداخلہ نک منعی طلب
و دعوی ایتسنہ قارشو مدعی علیہ اوراھام دخی مدعا یہ عرصہ یی مرور زمان حدینہ بالغ مدتلہ بلا نزاع تصرف
ایتدیکنی مدافعہ اتیان ایتسی اوزرینہ جریان ایدن محاکمہ و تدقیقات نتیجہ سنہ مدعی علیہک مدافعہ واقعہ سنی
اولبابدہ کی شہودک شہادتیلہ ثابت اولسنہ مبنی دعوی واقعہ نک ردینہ دائر ویریلان اعلامک عند الاستیناف
اسباب قانونیہ یہ بناءً فسختدن صکرہ اجرا قلنان محاکمہ و تدقیقات نتیجہ سنہ مدعی علیہ اوراھامک مدعا یہ
عرصہ یی مدعی مواجہہ سنہ بلا نزاع یکر می سنہ دنبرو تصرف ایتکدہ اولدیغنی كذلك اولبابدہ کی شہودک
شہادتیلہ ثابت اولسنندن ناشی بوبابدہ کی دعوانک مرور زمانلہ عدم استماعی حقندہ ویریلان اعلام تمیزاً
بالتدقیق بوکی املاک صرفہدہ مرور زمان اسباب تملکدن معدود اولدیغنی و مدعی علیہ ایسہ تصرفی مجرد
و مرور زمانہ استناد ایتدیکی و علی الخصوص مدعینک مذکور عرصہدہ کی تصرفی دفتر خاقانی قیودیلہ مثبت
اولدیغنی حالہ بوقیودی ابطال ایدہ جک صورتندہ شہود استماعنہ قرار ویرلمش اولسنک مغابرن قانہ سنندن
ناشی تقض و اعادہ قلمسی اوزرینہ تکرار جریان ایدن محاکمہ و تدقیقات استینافیہ نتیجہ سنہ مدعا یہ عرصہ یی
مرور زمان حدینہ بالغ مدتلہ مدعی علیہ اوراھام بلا نزاع تصرف ایتدیکی جہتلہ مرور زمان دعوانک مسموع
اولدیغنیہ و رؤیت دعوی محکمہ نک صلاحیتی خارجندہ بولندیغنیہ قرار ویرلمش ایسہدہ مدعا یہک املاک
صرفدن اولوب و بوکی املاک دعوالرندہ مرور زمانک اسباب تملکدن معدود اولدیغنی کی قیود خاقانی یہ
قارشو شہود استماعی دہ جائز اولہ میہ جنی درکار و دعوانک رؤیتی محکمہ نک صلاحیتی داخلندہ بولندیغنی امر
اشکار ایکن بروجہ محرر مرور زماندن بختلہ دعوانک عدم استماعنہ قرار ویرلسی یولسز اولدیغندن و اسباب
مسرودہ حکم ابتدائینک اساسنہ تأثیر ایلدیکنندن اصول محاکمہ حقوقیہ قانونی ذیلنک یکر می دردنجی مادہ سنی
موجب سنجہ اعلام مذکورک فسختلہ دعوانک اساسی رؤیت ایدیلہ رک حاصل اولہ جق نتیجہ یہ کورہ قرار قانونی یہ
ربطی ضمنندہ مرسین بدایت حقوق محکمہ سنہ اعادہ سنہ حکم و قرار ویرلدیکی آکلاشلمشدر .

مستدعی طرفندن ويريلن لايحه مدعا به ملك اوليوب اراضی امير به دن اولديغی طرفندن مبرز اولبا بده کی سندات مندرجاتيه مثبت ايکن محکمه جه بوجهتک نظر دقه التامسی و محل منازع فيک يکرمی سنه بلا نزاع تحت تصرفنده بولنسی دعوی واقعه نك عدم استماعی ايجاب ايتديردیکی جهتله حکم اولده اصرار اولنق لازم کلورکن بوجهت عطف اهميت اولنماسی يولسز اولديغندن واسباب سائردهن بختله اعلام مذکورک تقضی و جواب لايحه سنده ده غير وارد اولان اعتراضات مذکوردهنک رديله موافق اصول وقانون اولان اعلامک تصدیق طلب واستدعا اولنمشدر .

اول امرده دعوی واقعه نك قابل تمیز اولديغنه اکثریتله قرار ویرلدکن صکره اساس ماده نك ايجابی مذاکره اولندقدده خصوص مدعا هر نه قدر بوجه بالا حکم و قراره ربط اولنمش ايسه ده بدایت محکمه سی دعوی واقعه نك اون بش سنه ترك ايدلسی سبيله مرور زماندن طولانی عدم استماعنه قرار ویرمیوب بلکه اساس ماده نك تدقیقه کیریشه رک مدعی علیه حق تصرفی ثابت اولديغنه بناءً مدعینک دعواسنک ردینه قرار ویرمش قرار مذکور عندالاستیناف فسخ ایدلمش اولديغندن محکمه استینافیه جه دعوانک رؤیت ایدلسی اقتضا ایدر ايکن بوجهت نظر دقه التمه رق بدایت محکمه سنه اعاده سنه قرار ویرلسی مخالف قانون اولديغندن اصول محاکمه حقوقیه قانونک اکیوز قرق برنجی ماده سی موجبجه اعلام مذکورک تقضیه قانون مزبورک اکیوز قرق دردنچی ماده سی حکمنه توفیقاً کیفیتک وجه مشروح دائره سنده تکرار بالرؤیه اعلامه ربطی محکمه مذکوریه اعاده سنه وزیرده مفررات و معطیسى محرر مصارف تمیزیه نك ایلروده حقسز چیه جق طرفه عاؤ اولسنه ۱۹ مایس سنه ۳۳۰ تاریخنده متفقاً قرار ویرلدى .

محکمه تمیز حقوقه دائره سنده صادر اولوب ۱۰ مزیرانه سنه ۳۳۰ تاریخنده قرار ویریلده ۸۶۹ نومرولى اعلام صورته بر :

« غصب ادعا سنده بولنان شخصک بینه اقامه سیله کیفیت غصبی اثبات ایلسی لازمکلیر »

اطراف شهر ناحیه سنک کونک ویران قریه سی اهالیسندن مرجان اوغلی حاجی خلیل اغا ایله کوتاهیه نك اخى مصطفى محله سی سکنه سندن منزلی زاده سلیمان شکری وعاصم افندیلر بیننده متحدث دعوايه دائر کوتاهیه استیناف محکمه سندن ۲۰ شباط سنه ۱۳۳۹ تاریخی ویکرمی التی عددیه ویریلوب مزبور حاجی خلیل اغا طرفندن تمیزاً تدقیق استدعا قلنان اعلام طرفینک اعتراض و جواب لايحه لريله بالمطالعه تدقیقات تمیزیه اجراسنه ابتدار قلندى .

اعلام مذکور مندرجاتنه نظراً مزبوران شکری وعاصم افندیلر کوتاهیه بدایت محکمه سنه باع فضال مراجعتله بالمطالعه متصرف اولدقلری قریه مذکورده کائن ومعلوم الحدود ترالرینه مزبور حاجی خلیل اغا

طرفندن حیوان قشله سی انشاء اولنق صورتيله واقع اولان مداخله نك منعی حقنده اقامه ایلدیکی دعوانک اولاغیا بیا ویا وقوعبولان اعتراض اوزرینه وجاهاً اجرا قلنان محاکمه سی نتیجه سنده مدعی علیه محل مدعا بینه تجاوز ایله مجدداً قشله احداث ایلدیکی مبرز سند خاقانی جه و محل منازع فيه حقنده اجرا قلنان کشفی ناطق معطی تقریر مندرجاتيه ثابت اولسنه مبنی مدعی علیه مداخله واقعه سنک منعه ومذکور قشله نك هدمنه دائر صادر اولان اعلام ابتدائینک عندالاستیناف تصدیقه حکم وقرار ویرلدیکی کلاشلمشدر .

مستدعی تمیز طرفندن ویریلان لايحه ده محکمه اجرا قلنان کشفه واستماع اولنان اهل خبره ووقوفک یکدیگرینه مباین اولان بیانات و اخباراتنه بنای حکم ایدلسی يولسز ومغایر قانون اولديغندن واسباب سائردهن بختله اعلامک تقضی و جواب لايحه سنده غير وارد اولان اعتراضات مذکوردهنک رديله موافق اصول وقانون اولان اعلامک تصدیق طلب واستدعا اولنمشدر .

ایجابی لای المذاکره اولندقدده خصوص مدعی هر نه قدر برمنوال محرر حکم وقراره ربط اولنمش ايسه ده غصب ادعا سنده بولنان شخصک بینه اقامه سیله کیفیت غصبی اثبات ایلسی لازم کلورکن درجه اولی محکمه سنجه بوجهت اثبات ايتديردیکسزین قانوناً اسباب حکمدن اولمیان کشف راپورینه بناءً حکم اعطا ایدلسی مخالف قانون اولديغندن ناشی عندالاستیناف اعلام مستأنف بهک فسخی اقتضا ایدرکن بوندن ذهول اولته رق اعلام ابتدائینک تصدیقه قرار ویرلسی مغایر قانون اولديغندن اصول محاکمه حقوقیه قانونک اکیوز اوتوز ایکی وایکیوز قرق دردنچی ماده لری موجبجه اعلام مذکورک تقضیه قانون مزبورک اکیوز قرق دردنچی ماده سنک فقره ثانیه سی حکمنه توفیقاً کیفیتک وجه مشروح دائره سنده تکرار بالرؤیه اعلامه ربطی ضمیمه محکمه مذکوریه اعاده سنه وزیرده مفررات و معطیسى محرر مصارف تمیزیه نك ایلروده حقسز چیه جق طرفه عاؤ اولسنه ۱۰ حزیران سنه ۳۳۰ تاریخنده اکثریتله قرار ویرلدى .

محکمه تمیز حقوقه دائره سنده صادر اولوب ۱۶ نومر سنه ۳۳۰ تاریخنده قرار ویریلده ۱۱۱۵ نومرولى

اعلام صورته بر :

« آیری آیری اشخاصک استیجار ایتدیکی محللردن دولای اقامه ایديله جک »

« دعوانک بر استدعا ایله اقامه سی غیر جائزدر »

مرزیفون قصبه سنک جامع جدید محله سی مثلنه سندن قلایحی زاده احمد لطفی افندی ایله خواجه سلیمان محله سی اهالیسندن طونی قره اوغلی استاوری وقلان محله سی مقیملرندن تحافیه جی مغاریان اوخانس وحوزه قضاسنک مدرسه محله سنده مقیمه فرانسه دولت فخمه سی تبعه سندن سور ماریه میاننده متکون دعوايه دائر مرزیفون بدایت محکمه سندن ۲۵ مارت سنه ۳۲۹ تاریخی واون ایکی عددیه ویریلوب مومی الیه احمد لطفی

افندی طرفندن تمیزاً تدقیق استدعا قلنان اعلام مستدعینك اعتراض ومیز علیهلردن سور ماریه قادیك جواب لایحه لریه برابر بالمطالعه تدقیقات تمیزیه اجراسنه ابتدار قلندی .

اعلام مذکور مندرجاته نظراً مومی الیه احمد افندیك برقطعه عرفحال ایله مرزيفون قضاسی بدایت محکمه سنه مراجعتله باطابو عهده تصرفده بولنان معلوم الموقع والحدود بر باب کارکیر مغازه نك فوقانی بر اوطنه سنی مزبوروندن استاوری و تحتانی بر باب دکانی اوخانسك کویا مستأجر اولدقلری بهانه سیله فضولی اشغال ایلکده بولندقلرندن بخله املاک مذکورده سنك بالتخلیه طرفه تسلیمی و معلوم المقدار اجر مثلنك مزبوران استاوری و اوخانسك تحصیل حقنده اقامه ایتدیکی دعوی اوزرینه اولوجهله استحصال ایلدیکی اعلام غیابییه قارشو استاوری و اوخانسك مدعی علیه و سور ماریه شخصی صفترلله اقامه ایتدکلی اعتراض علی الحکم دعواسنك اجرا قلنان محاکمه و تدقیقاتی نتیجه سنده مدعییه دکان و اوزرنده کی اوطنه نك حوضده کائن مناستر ایچون اشترا و مؤخرأ مزبوره سور ماریه نفی ملک ایلدیکی مبرز سند مندرجاتی و اولبایده استماع اولنان شهودك شهادتیه ثابت اولسنه مبنی مدعی مومی الیه احمد افندیك بوبایده کی ادعاسنك ردینه حکم و قرار ویرلدیکی اکلشلمشدر .

مستدعی تمیز طرفندن ویریلان لایحه ده اعلام میز بهك اولبایده کی ضبطه منافی اولدیغندن و افادات سائرده دن بخله اعلامك نقضی و لایحه جوابیه ده دخی اعلام مذکورك تصدیق طلب واستدعا ایدلمشدر .

ایجاب کیفیت مذاکره اولندقدن خصوص مدعی هر نه قدر بوجه مشروح حکم و قراره ربط اولنش ایهده آیری آیری اشخاصك استیجار ایتدیکی دکان و اوطنه دن طولانی اقامه ایدیه لك دعوانك بر استدعا ایله اقامه سی غیر جائز اولدیغی حالده محکمه بوجهتك نظردفته آلتامسی یولسر اولدیغی کبی اثنای محاکمه ده طرفینك درمیان ایلدیکی ادعا و مدافعاتیه ابراز ایلدکلی بالجمله و ثائقك عیناً اعلام میز بهه درج و تمیق اقتضا ایدر ایکن بواصوله دخی رعایت ایدلیه رك بوجه محرر قرار ویرلمسی مخالف قانون اولدیغندن اصول محاکمه حقوقیه قانونك ایکی یوز قرق برنجی ماده سی موجینجه اعلام مذکورك نقضیه قانون مزبورك ایکی یوز قرق دردننجی ماده سی حکمنه توفیقاً کیفیتك وجه مشروح دائره سنده بالرؤیه اعلامه ربطی ضمننده محکمه مذکوریه اعاده سنه وزیرده مفردات و معطینسی محرر مصارف تمیزیه نك ایلروده حقسنز چیه حق طرفه عائد اولسنه ۱۶ تموز سنه ۳۳۰ تاریخنده متفقاً قرار ویرلدی .

حکمه تمیز مقرره دائره سنده صادر اولوب ۱۹ تموز سنه ۳۳۰ تاریخنده قرار ویرلدی و ۶۸۶ نومردلی اعلام صورتیدر :

« کشف اسباب حکمدن دکلدر »

دفتر خاقانی نظارتی ایله اونیه قصبه سنك قلعه دره محله سننده مقیم سید اوغلی فرهاد بیننده متحدث

دعوايه دائر اونیه قضاسی بدایت محکمه سندن ۱۷ شباط سنه ۱۳۳۹ تاریخی وسکسان ایکی عددی ایله ویریلوب نظارت مذکور و کیلی طرفندن تمیزاً تدقیق استدعا قلنان اعلام باش مدعی عمومیک مأموریت علیه سنك مطالعه نامه سی التقدن صکره یالکیز مستدعینك اعتراض لایحه سیله بالمطالعه تدقیقات تمیزیه اجراسنه ابتدار قلندی .

اعلام مذکور مندرجاته نظراً مزبور فرهاد محکمه مذکوریه باعرفحال مراجعتله برادری متوفی مرجاندن انتقالاً باطابو متصرف اولدیغی محله مذکورده حدودی داخلنده اطراف اربعه سی بلال یوسف ویول و اوتازاده سلیمان ترلاری ایله محدود سکز دونم مقداری و ایکوز الی غروش قیمتلو برقطعه اراضینك درت حصه اعتباریه اوچ حصه سنك محلولیتدن بخله طابو اداره سنجه موقع مزایده یه چیقارلمش اولدیغندن طابو اداره سنجه موقع مزایده یه چیقارلمش اولدیغندن طابو مأموری حاجی یوسف افندی طرفندن مذکور اراضی ده وقوعبولان مداخله نك منعی طلب و دعوی و برقطعه طابو سندی ابراز و اعطا ایتسنه قارشو مدعی علیه مأمور مومی الیه یوسف افندی دخی منازع فیه اراضی اوتازه عزت و شرکاسنك بلا ولد وفات ایتلرینه مبنی محلولیتی اخبار اولنسی اوزرینه کیفیت مجلس اداره قضاچه تحت قراره الهه رق محل مذکور مزایده یه چیقارلدیغی و مدعی طرفندن ابراز اولنان طابونك محل مذکورده غیر شامل بولندیغی بیانیله رد استدعاسنه قرار اعطاسنی طلب و درمیان ایتسی اوزرینه اولبایده طابو دائره سنندن استعلام کیفیت اولندقدن صکره اجرا قلنان محاکمه و کشف و تدقیقات نتیجه سننده اراضی منازع فیه مدعی مرقونك بلا ولد وفات ایدن برادرندن ارثاً منتقل بولندیغی اولبایده مبرز طابو مفادی و محلنده اجرا قلنان کشفی منضمین نائب و اهل وقوف طرفندن معطی راپور و خریطه مندرجاتیه ثابت اولسنه و محلولیتی ادعا ایدیلان اراضی منازع فیه اراضینك جوارنده باقی قالدیغی نتیجه تحقیقاتدن اکلشلمش بولنسنه بناءً بجله نك بیک سکز یوز اون سکزنجی و اراضی قانونك یکرمی برنجی ماده لری احکانه توفیقاً مدعی مزبور فرهادك تحت تصرفده اولدیغی ثابت اولان مذکور سکز دونمك اراضییه مدعی علیه طابو کاتبی مومی الیهك واقع اولان معارضه و مداخله سنك منعیله اولبایده کی مزایده نك فسخنه حکم و قرار ویرلدیکی اکلشلمشدر .

مستدعی تمیز وکیلنك اعطا ایلدیکی لایحه اعتراضیه ده مرقوم فرهادك عندالحاکمه ابراز ایلدیکی طابو سننده محرر حدودله محدود اولان محلك بلا صاحب انتقال وفات ایدن قوقولانده حسن و سائر نامنه مقید ایدوکی طابو اداره سنندن مورود قید رسمی ایله ثابت سندك بلا ینه مضمونیه عمل جائز اولان قیوددن عد ایدیه میه جکی درکار ایکن محکمه مذکورده یه بوراسنك تأمل اولنمسی یولسر و مغایر قانون اولدیغندن بخله اعلام مذکورك نقضی طلب واستدعا اولنش و مطالعه نامه مذکور مندرجاتی دخی تعیین قلنان کشف نائینك وظیفه سی اجرای کشفه نظارتدن عبارت ایکن اولبایده کی راپورده ذات مسئله حقنده رأی و مطالعه سنی

کوسترر صورتده بیاناتدن صکره محکمه ده هیئت میاننده بولنه رق حکم و قرار اعطاسی مخالف قانون اولدینی بیاتندن عبارت بولمشدر .

ایجابی مذاکره اولندقدده هر نه قدر محکمه جه کیفیت بروجه محرر تحت حکمه التمش ایسه ده طرفیندن بریسی بیت المال اولدینی حالده مدعی عمومینک اثنای محاکمه بولندیرلامسی و طاپودن وارد اولان جریده محلول اولان اراضینک حدودی اولق اوزره بلال ویوسف و بول و اوتازاده سلیمان یعنی مدعینک ابراز ایتدیک سندن خاقانینک حدودی اراه اولدینی و مدعی عائد اولق اوزره کوستریلان حدود بلال یوسف یول و قوقولاز اوغلی عزت یعنی مدعینک سندنده کی حدوده مخالف حدود کوستریلیدی حالده بوجهت لک دخی تدقیق ایدلامسی و کشف اسباب حکمدن اولدینی حالده تنظیم ایدیلان کشف راپورینه بناء مدعی علیک معارضه دن منعه قرار ویرلمسی و کشف نأبی اعطا ایلدیکی تقریرنده رأیی احساس ایتش اولدینی حالده مؤخرأ محاکمه و حکمه اشتراک ایتدیرلمسی مخالف قانون اولدیندن اصول محاکمه حقوقیه قانوننک اکیوز اوتوز ایکنجی و اکیوز قرق برنجی ماده لری احکامنه توفیقاً اعلام مذکورک تقضیه قانون مزبورک اکیوز قرق دردنجی ماده لری موجبجه کیفیتک تکرار بالرؤیه اعلامه ربطی ضمنتده محکمه مذکوره به اعاده سنه و مدعابه اراضینک قیمتی بشیوز غروشدن دون اولسی حسیله خرج تعرفه سنک ماده مذیله سی موجبجه مصارف تمیزیه نک تأجیل اولنان قسمیله استیفا قلنان قسمنک زیرده مفردات و معطیسی کوسترلمش اولمغله بولنرک ایلروده حقسنر چیقه جق طرفه عائد اولسنه ۱۹ تموزسنه ۳۳۰ تاریخنده متفقاً قرار ویرلدی .

حکمه تمیز حقوق دأره سندن صادر اولوب ۱۴ اغستوس سنه ۳۳۰ تاریخنده قرار ویریلده ۱۲۲۷ نومردی

اعلام صورتبدر :

« مزارعه صورتیله عقد شرکت ایتک یاخود استیجار ایتک کبی احوال ایله »
تصرفی اقرار ایتک مدت معلومه طرفنده اقامه ایدیله جک حق رجحان دعواسنه »
« منافی دکلدر »

دکزلینک اسکی حصار قریه سنده ساکن عبدی اوغلی اسماعیل ایله حاجی قیلار محله سنده مقیمه قصاب اوغلی اسماعیل زوجه سی کزیده خانم بیننده متکون دعوایه دأر آیدین ولایتی استیناف حقوق محکمه سندن ۱۲ مایس سنه ۳۳۰ تاریخی و ۲۲ عددیه ویریلوب مرقوم اسماعیل طرفندن تمیزاً تدقیق استدعا قلنان اعلام طرفینک اعتراض و جواب لایحه لریله برابر بالمطالعه تدقیقات تمیزیه اجراسنه ابتدار قلندی .

اعلام مذکورک خلاصه مندرجاتنه کوره مرقوم اسماعیل از میر مرکز بدایت محکمه سنه باعرفحال مراجعتله مزبور کزیده خانمک طقسان بش عثمانی لیراسی بدل مقابلنده تفرغ و اشترا ایلدیکی ایکی قطعه ده

اون بش دونم مقداری ترلا قریه لری حدودی داخلنده اولوب کندوسنک دخی اراضی به احتیاجی بولندینی جهتله حق رجحانه بناء بولنرک عهده سنه تقویضی طلب و دعوی ایتسی اوزرینه جریان ایدن محاکمه و تدقیقات نتیجه سنده مدعینک یره ضرورت و احتیاجی اولان زراعتدن اولدینی طرفینک تصادقیله آکلاشلیمسنه و حق رجحانی اسقاط ایلدیکی مدعی علیها طرفندن اثبات ایدیله مامسنه مبنی بدل مثلی اولان یوز لیرامدعی علیها به اعطا ایلدیکی تقدیرده مذکور ترلالرک مدعی اسماعیل تسلیمنه دأر محکمه مذکوره دن ویریلن اعلام حکمنه مزبور کزیده خانم عدم قناعتله مذکور ترلالرک عهده سنه فراغی حاوی شهادتنامه قریه هیئت اختیاریه سندن مهرلندیکندن خصمنک معلوماتی اولدینی حالده سکوت ایتکلر برابر صوسام زرع ایتک اوزره شرکت مزارعه به راضی اولدینندن و بلا اذن زرع ایدیلان مصرک قلعی حقدده اقامه ایلدیکی دعوی اوزرینه صلحه رغبت ایدرک حق رجحانی اسقاط ایتدیکندن بختله استیناف دعوا به قیام ایتسیله منازع فیه محاکم کشفی بعدالاجرا اولبابده کی ضبط دعوی جلب و مطالعه اولندقدن صکره جریان ایدن محاکمه و تدقیقات نتیجه سنده مزبور کزیده خانم منازع فیه ترلالری تفرغ ایتدکن صکره مستأنف علیه اسماعیل شرکت مزارعه به طالب و راضی اولق صورتیله فراغی مجیز اولدینی و بو صورتله حق رجحانی اسقاط ایلدیکی مذکور ضبط دعوی ورقه سی مندرجاتی و اقرار صریحیه آکلاشلیمسنه و ساقط اولان شینک عودت ایتیه جکی درکار ایکن بدایت محکمه سنجه بوجهت نظر دفته آلمیه رق بروجه بالا قرار ویرلمسی یولسز و مغایر قانون اولویغندن ذیل اصول محاکمه نک یکرمی دردنجی ماده سنه توفیقاً حکم ابتدائینک فسخیله حق رجحانی اسقاط ایتش اولان مرقوم اسماعیل دعوا به عدم صلاحیتی جهتله مجله نک بیک سکن یوز اون طقوزنجی ماده سنه توفیقاً دعوی واقعه سنک ردیله مزبوریه قارشو بیوجه معارضه دن منعه حکم و قرار ویرلدیکی آکلاشلمشدر .

مستدعی تمیزک لایحه سنده محرر اعتراضاتنک خلاصه سی کندوسنک اراضی به احتیاجی اولدینی و مزارعه شرکتنک اشبو حق اسقاط ایتیه جکی میدانده ایکن استیناف محکمه سنجه احتیاج مسئله سی تدقیق ایدلمکسزین برمنوال محرر قرار ویرلمسی یولسز و مغایر قانون اولدینندن بختله اعلامک تقضی و جواب لایحه سی مؤداسی دخی غیروارد اولان اعتراضات مسروده نک ردیله موافق اصول و قانون اولان اعلامک تصدیق استدعا سندن عبارت بولمشدر .

ایجابی مذاکره اولندقدده خصوص مدعی هر نقدر بروجه مشروح حکم و قراره ربط اولنش ایسه ده مدعی اسماعیلک مدعابه اراضیده مدعی علیها مزبور کزیده خانم ایله مزارعه صورتیله عقد شرکت ایتک و یاخود استیجار ایتک کبی احوال ایله مدعی علیها نک تصرفی اقرار ایتش اولسی اراضی قانوننده مذکور اولان مدت معلومه طرفنده اقامه ایدیله جک حق رجحان دعواسنه منافی اولمادینی حالده محکمه جه بوجهت نظر دفته آلمیه رق احوال مذکورده نک مانع دعوی عد اولنه رق مدعی مرقومک مدعی علیها به قارشو

بيوجه وقوعبولان معارضه سنك منعه قرار ويرلمسى يولسز ومغار قانون اولديغندن اصول محاكمه حقوقه قانونسك ايكي يوز اوتوز ايكنجى مادهسى موجبنجه اعلام مذكورك ايكي يوز قرق دردنجى ماده سنك فقرۀ اولاسى حكمنه توفيقاً كيفيتك صورت محرره دائره سنده بالرؤيه اعلامه ربطى ضمانتده محكمه مذكوره به اعاده سنه واشبو تميز دعواسندن طولاي اختيار اولتوب زيرده مفردات و معطيسى كوستريلان مصارف تميزيه نك ايلروده حقسز چيقه جق طرفه عائد اولسنه ١٤ اغستوس ٣٣٠ تاريخنده اتفاقله قرار ويرلدى .

محكمه تميز جزا دائره سى مقرراتى

محكمه تميز جزا دائره سنده صادر اولان ٢٢ ضربان سنه ٣٣٠ تاريخى ٢٣٩٢ نومردى اعلام صورتيده :

« مدعى عمومى وكالتنده بولنديريلان اعضا ملازمتك جلسه متعاقبه ده هيت حاكمه »

« ميانه آلمسى موجب نقضدر »

قره حصار شرقى سنجاغى بدایت محكمه سى جزا دائره سندن تنظيم واعطا قلنان ١٣ مایس سنه ٣٣٠ تاريخى و طقوز نومردى اعلامك تمیزاً تدقيق حقنده محكمه مذكوره مدعى معاونلكندن معطى استدعا نامه ايله اوراق متفرعه سى باش مدعى عموميك مأموریت علیه سندن ٦ شعبان سنه ٣٣٢ و ١٧ حزيران سنه ٣٣٠ تاريخى وييك یدى يوز طقسان طقوز نومردى تبليغنامه ايله محكمه تمیز جزا دائره سنده توديع ايدلمش ولدى التدقيق استدعا نامه نك مدت قانونیه سى ظرفنده ويرلديكى اكلاشلمش اولغله بالقبول اوراق موجوده قرائت اولندی .

اعلام مذكورك خلاصه مالى الوجره قضاسنك منظره قريه سندن كودك اوغلى ملاحسن ايله اشخاص سائرۀ نك اثنای راهده اوكلرينه چيقه رق اموال و تقدلرينى اخذ وغصب ايلدكلرى ادا قلمسندن دولاي جنايتله اتهام اولنان ايوب اوغلى الواق و قتره اوغلى سليمان وحسينك اجرا قلنان محاكمه لرى نتيجه سنده متهمون مرقومونك مسلحاً مدعيلرك اوكلرينه چيقه رق اشيا وساعتلرينى اخذ وغصب ايتدكلرى ثابت اولمش ايسه ده محكوميت سابقه لرى بولنامسى وبومدعيلردن بشقه سى طاعلرده و قيرلرده صويدقلارينك اكلاشيله مامسى كې موجود اولان احواله بناء فعللرينك جنايت نوعند اولدينى حقنده اكثرث قانونيه حاصل اوله مديغندن عادياً اخذ وسرقتدن دولاي جنحه درجه سنده فاعلستارينه وقانون جزانك ايكي يوز اوتوزنجى ماده سنه توفيقاً برر سنه مدتله حبسلرينه ٣٠ مارت سنه ٣٣٠ تاريخنده حكم اولنديغندن عبارتدر .

مدعى عمومى معاونلكنك لايحه سنده دخى متهمون مرقومونك اثنای راهده مدعيلرك اوكلرينى كسوب جبراً فعل غصبه جرائلرى شهادات واقعه وامارات سائرۀ ايله ثابت اولدينى حالده بوجه محرر جنحه

درجه سنده محكوميتلرى جهتنه كيدلمسى و دردنجى و بشنجى جلسه لرده هيئتجه تبدل وقوعبولدينى حالده تكرير محاكمه قاعده سنه رعايت ايدلامسى والتنجى جلسه مدعى عمومى وكالتنده بولنديريلان اعضا ملازمى على شكرى افنديك يدنجى جلسه ده هيت حاكمه مياننده بولنديرلمسى ومغار قانون اولديغندن بحثله اعلامك نقضى استدعا قلمشدر .

تدقيقات تميزيه اجرا اولندقدۀ تبليغنامه ده دخى بيان اولندينى وجهله بشنجى جلسه محاكمه ده هيت حاكمه جه تبدل وقوعه كلدېكى حالده ضبط سابقك قرائت ايتديرلمامسى ومدعى عموميك وكالتنده بولمش اولان اعضا ملازمى على شكرى افنديك جلسه متعاقبه ده هيت حاكمه ميانه آلمش اولمسى يولسز ومغار اولدينى كې متهملرك مسلحاً مدعيلرك اوكلرينه چيقه رق اشيا لرينى اخذ وغصب ايلدكلرى رؤيته مستند شهادات ايله ثابت اولمش ومحكوميت سابقه لرينك بولنامسى فعلك توصيف قانونيسنجه حائز تاثير اوله ميوب دلائل موجوده يه كوره جرمك نوع وصفتك تعيين لزومى مقتضى اولدينى حالده اشبو لزومه رعايت اولنماش اولمسى مخالف قانون وجهت مذكورى متضمن اولان تبليغنامه ولايحه محتوياتى وارد وبجا بولمش اولديغندن اصول محاكمات جزائيه قانونك اوچيوز اون طقوزنجى ماده لرينه توفيقاً اعلام مذكورك تفصيله احكام قانونيه دائره سنده ايفاي معامله اولتمق اوزره اوراقك محله اعاده سنه ٢٢ حزيران سنه ٣٣٠ تاريخنده متفقاً قرار ويرلدى .

محكمه تميز جزا دائره سنده صادر اولان ٩ نموز سنه ٣٣٠ تاريخى ٥٠٩ نومردى اعلام صورتيده :

« محاكم نظاميه رؤسا واعضاسندن و يا مدعى عموميلريله مستنطقلرندن برينك »

« جرائم شخصيه لرندن دولاي اجراى محاكمه سى خصوصيك مافوق محكمه سنه »

« عائديته دأثر »

موصل ولايتى مركز بدایت محكمه سى جزا دائره سندن استينافاً تنظيم واعطا قلنان ٦ ايلول سنه ٣٢٩ تاريخ وايكيوز سكسان یدى نومردى اعلامك تمیزاً تدقيق طلبنى حاوى محكمه مذكوره مدعى عموميكلى جانبندن معطى استدعا نامه ايله اوراق متفرعه سى باش مدعى عموميك مأموریت علیه سندن باتبليغنامه محكمه تمیز استدعا دائره سنده توديع اولمش ولدى التدقيق مذكور استدعا نامه نك مدت معينه قانونیه سى ظرفنده ويرلديكى اكلاشلمش ايدوكندن بالقبول تدقيقات تميزيه اجرا سنه ابتدار اولندی .

اعلام مذكورك خلاصه مالى مشكى محورزونك برعدد خنچرينى اخذ ايله كتم ايتديكى ادا اولنان دهوك قضاسى مدعى عمومى وكيل سابق پوليس مأمورى سليمان افنديك تحديد جزائى متضمن حكم ابتدائى عليهنده اقامه ايلديكى استيناف دعواسنك سبق ايدن تدقيقاتى نتيجه سنده مستأنف مومى اليك مذكور

خنجری طلب وقوعده محکمه به تودیع ایتک اوزره نزدنده الیقویدینی حقنده قبل الحکم دواثر عائدسنة بیان معلومات ابتدکی معاملات جاریه و مخبرات واقعه دن کلاشلمش و بنابرین اشبوخنجری اضرار قصدیه کتم ایتدکی تقدیر ایدیه مدیکی جهته ایشده امنیتی سوء استعمال جرمی تشکیل ایدن شرائط لازمه غیر موجود بولنش اولدیغندن بخله منع معارضه سینه و ذکر اولنان خنجرک مشتکی مرقومه تسلیمه قرار ویرلدیکی متضمندر .

لایحه تمیزیه ده مظنون سلیمان افندینک اسلحه ممنوعه دن اولماسی اعتباریه مصادره سی لازم کیان خنجری اخذ ایلدیکی حالده علی الاصول دائره عائدسنة تودیع و ارسال ایتیه رک نزدنده الیقویمسی مذکور خنجرک کیفیت اخذ و کتمنه دلالت ایتش ایکن محکمه استینافیه جه مومی الیهک شکایت وقوعندن خبردار اولمسی متعاقب سالف الیان خنجری ایستلیدیکی زمان محکمه به تودیع ایتک اوزره نزدنده براقیدینی یولنده واقع اولان مراجعاته استناداً محاکمات جاریه نک منع معارضه قراریه نتیجه لندیرلمسی یولسر و احکام قانونیه به مغایر اولدیغندن بخله اعلام استینافینک نقضی استدعا و تبلیغنامه ده دخی لایحه مذکورده ده ثبوت فعل حقنده سرد اولنان اعتراضک تدقیقندن اول مظنون مومی الیهک فعل مدعا بهی ایفا صره سنده دهوک قضاسی بدایت محکمه سی مدعی عمومی و کالتنده بولنسی حسیله علینده اقامه ایدیلان دعوانک محکمه مذکورده نک تابع اولدینی استیناف محکمه سنده اقامه سیله محکمه مذکورده جه درجه اخیرده رؤیت و تدقیق لازم کلدیکی حالده دهوک محکمه سی نزدنده اقامه و درجه اولاده رؤیت اولنسی مخالف اصول و قانون اولسی نقطه سندن حکم ابتدائینک فسخیه علی الاصول اقامه دعوی اولنق اوزره اوراقک مدعی عمومیلکه اعاده سینه قرار ویرلمک لازم کلور ایکن دعوانک اساسندن رؤیتیه بوجه محرر قرار اعطاسی یولسر و اعتراضات واقعه بو اعتبار ایه وارد و نقضی مستلزم بولندینی بیانیله اعلام مذکورک نقضی لزومی بیان و انبا قلنمشدر .

ایجابی لدی المذاکره بالاده مرقم تبلیغنامه ده کوسترلدیکی اوزره محاکم نظامیه رؤسا و اعضاسندن و یامدعی عمومیلریله مستنطقلرندن برینک جرائم شخصیه لرندن طولای اجرای محاکمه سی خصوصنک مافوق محکمه سینه عائدتی اصول محاکمات جزائییه قانوننک اوچوز سکسان بشنجی ماده سی ایجابندن بولنسنه و مظنون پولیس مأموری سلیمان افندینک حرکت مسروده سی دهوک قضاسی بدایت محکمه سی مدعی عمومی معاونلکی و کالتنده بولندینی ائنده وقوعه کلش اولسنه نظراً مومی الیهک شوصفت عدلیه سی اعتباریه منسوب اولدینی استیناف محکمه سنجه امر محاکمه سنک اجراسی لازم کلور ایکن محکمه محلیه جه بوجه نظر دفته التفسیرین برمنوال محرر قرار اعطاسی یولسر و مغایر احکام قانون اولوب اساس مسئله به متعلق اعتراضاتک تدقیقنه محل کوریه مامش ایدوکنندن اصول محاکمات جزائییه قانوننک اوچوز اون دردنچی و اوچوز اون طقوزنجی ماده لری منظوقجه اعلام مذکورک سبب مشروحه بناءً نقضیه احکام قانونیه دائره سنده ایفای معامله اولنق اوزره

اوراق متعلقه سنک محکمه مذکوریه اعاده سینه و درتیوز غروش اعلام خرجنک تعرفه و تعلیمات مخصوصه سینه توفیقاً ایلروده ایجاب ایدن طرفدن استیفا سینه ۱۸ مایس سنه ۳۳۰ تاریخنده متفقاً قرار ویرلدی .

حکم تمیز استعدا دائره سنده صادر اولان ۶ اغستوس سنه ۳۳۰ تاریخ و ۲۳۸۵ نومرولی اعلام صورتیه :

« قتلک قصداً و یا خود خطاء اولدیغنه کوره حکم »

دکترلی سنجانی بدایت محکمه سی جزا دائره سندن تنظیم و اعطا قلنان ۲۶ جمادی الاولی سنه ۳۳۲ و ۹ نیسان سنه ۳۳۰ تاریخی و اون سکر نومرولی اعلام ایه اوراق متفرعه سی باش مدعی عمومیلک مأموریت علیه سندن ۱۲ شعبان سنه ۳۳۲ و ۲۳ حیران سنه ۳۳۰ تاریخی و ایکی بیک بکرمی درت نومرولی تبلیغنامه ایه محکمه تمیز جزا دائره سینه تودیع ایدلمکله مطالعه قلندی .

اعلام مذکورک خلاصه مالی اوچوز یکریمی طقوز سنه سی تشرین ثانیسنک التنجی کیچه سی یولدان قضاسنده کریملی قریه سندن حاجی احمد اوغلی احمدی قتل و مصطفی کریمه سی سلطانه اخافه قصدیه سلاح تشهیر ایلدیکی ادعا قلنمسندن دولای جنایتله اتهام اولنان قریه مذکورلی علی اوغلی راشید بن محمدک جنحه درجه سنده لزوم محاکمه سینه قرار ویریلان حسن حسینله معاً اجرا قلنان محاکمه سی نتیجه سنده متهم مرقومک قتل فعلنه جرائی شهادات واقعه و امارات سائر ایه ثابت اولدیغندن مجرمیتیه و حرکتیه مطابق ایدن قاتدن جزانک یوز یتش دردنچی و جرمدیه اسباب مخففه تقدیریه بولنسی حسیله قرق یدنجی ماده لرینه توفیقاً مستحق اولدینی اون بش سنه کورک جزاسنه بدل یدی بچق سنه مدته قلعه بند ایدلمسنه و حسن حسینک التی ای حبسنه ۲۴ مارت سنه ۳۳۰ تاریخنده حکم اولدیغندن عبارتدر .

تبلیغنامه ده دخی صورت جریان محاکمه سیله جهت تطبیق حقنده اعتراضه محل کوریه میان اعلام مذکورک تصدیق طلب اولنمشدر .

حکم جنائیدن دولای تدقیقات تمیزیه اجرا اولندقدیه تبلیغنامه ده بوجه محرر اعلامک تصدیق طلب اولنور ایسه ده متهم مرقوم راشد جنحه مظنون حسینک کندیسنی تحقیر و ایکی ال سلاح استعمال ایلسندن منفعل اوله رق کیجه لین و بر شخص معینی استهداف ایتکسزین سرنومک خانه سینه قارشى برای تخویف استعمال ایلدیکی سلاح مرملرندن برینک منازعه ده علاقه دار اولیان و جامعک یانندن کچمکده اولان احمده اصابتله وفاتنه سببیت ویردیکی مرقومک استطاقاً مسبوق افاداتندن منفهم اولسنه و شهادات واقعه دخی افادات مذکوریه مؤید و مؤکد بولنسنه نظراً استعمال سلاحده قصد قتلک وجود و عدمی و بناءً علیه قتل واقعک قصداً و یا خطاء و قوعی بالتدقیق اکا کوره اتخاذ قرار اولنق مقتضی ایکن جرمک من غیر تعمد قتل اولق اوزره توصیف ایدلمسی مخالف قانون و نقض حکمی مستلزم کورلدیکندن اصول محاکمات جزائییه

قانونك اوچيوز اون دردنجي ماده سنه توفيقاً حكم مذكورك تفضيله احكام قانونيه دائره سنده ايفای معامله اولمق اوزره اوراقلك محله اعاده سنه ودرتيوز غروش اعلام خرجك ايلروده حقسز چيقه جق طرفدن تحصيله ۶ تموز سنه ۳۳۰ تاريخنده متفقاً قرار ويرلدى

محکمہ تمیز جزا دائره سنده صادر اولان ۱۳ اغستوس سنه ۳۳۰ تاريخي ۲۴۰۳ نومردی اعلام صورتيه :

« قتل حقنده »

عكا سنجاني بدایت محكمه سی جزا دائره سندن صادر اولان ۲۲ ربع الاخر سنه ۳۳۲ و ۶ مارت سنه ۳۳۰ تاريخي واون نومردی اعلام ايله اوراق متفرعه سی باش مدعی عموميلك مأموریت عليه سندن نقض طلبی متضمن ۲۹ رجب سنه ۳۳۲ و ۱۰ حزیران سنه ۳۳۰ تاريخي و بيك یدی یوز اون طقوز نومردی تبليغنامه ايله محكمه تمیز جزا دائره سنه اعطا قلمشدر .

اعلام مذكورك خلاصه مندرجاتی : اوچيوز يكرمی طقوز سنه سی رمضانك يكرمی برنجی كونی حيفانك كفر قرح قریه سندن علی بن احمد الحمدی قتل و برادری طاهری جرح ایلدكلی ادعا قلمشندن طولانی جنایتله اتهام اولنان قریه مذکورده دن علی بن سعیدعید و عبده بن سلامه و ادريس بن الحاج عبده و اوغللری سعود و سلیمان و محمد ايله فراری شیتوی و نجیب بن الحاج عبده و محمد بن حسن الحلیك و جاهاً و غیاباً اجرا قلمنان محاکمه لری نتیجه سنده متهملردن عبده و سعود و سلیمان و محمد فاعل مستقلى تعین ایدمه جهك صورتده من غیر تعمد فعل قتل مذکورده جرأتلری و اشیتوی و نجیب و محمد خلیل و علی بن سعیدك دخی قتل قصديه سلاح انداخت و طاهری جرح ایلدكلی دلائل و امارات قانونیه ايله ثابت اولدیغندن اولوجهله مجرمیتلرینه و بونلردن عبده و سعود و سلیمان و محمدك قانون جزانك یوز سكسانجی و یوز یتش دردنجی ماده لری احكامنه تطبیقاً مستحق اولدقلری اون بشر سنه كورك جزاسنك نصفی بولنان یدیشر بچق و اشیتوی و نجیب و محمد خلیل و علی سعیدك مذکور یوز سكسانجی ماده ك ذیلنه توفیقاً اوچر سنه مدتله كورك قونلرینه و ادريسك برائته ۶ مارت سنه ۳۲۹ تاريخنده حكم اولدیغندن عبارتدر .

اوراق دعوی بعدالمطالعہ حكم جنائی و جاهیدن طولانی تدقیقات تمیزیه اجرا اولندقدمه مقتولك معاینه سنی حاوی فی راپورده بادی موت اولان جرحه قره طاغ روولوری ايله آتیلوب مجروحك اوموزی التندن کیرن مرینك احداث ایتدیکی جرحه اولدینی مندرج اولدینی حالده محكمه جه فاعل مستقلاك تعینی امرنده مقتول ايله متهملرك اثنای وقعه ده وضعیتلری حقوق عمومیه شهودندن استیضاح ایدلك صورتیه هانکیسنك مریمی مقتولك اوموزی التنی جریحه دار ایلدیکی توسیعاً تحقیق ایدلامش و متهملردن محمد و سعودك خانه لرنده ظهور ایدوب تازه التلینی اولباده کی ضبط ورقه سی مندرجاتیه ظاهر و نمایان اولان

رووئورك بونلردن کیمه عائد اولدینی قره طاغ روولوریمی یوقسه بشقه برنوع روولورمی ایدوکی صورولمامش اولغله برابر محكمه یه بالجلب شهود ايله ارانه اولنماش و شاهدلر موقوف متهملر طرفلردن استعمال ایدیلان سلاح مرملرینك وجود مقتوله اصابت ایلدیکی محللرده متباین شهادتده بولملرینه كوره اول امرده بوماینتك حلی وبعده فی راپورله شهادتك توفیقی لزومه رعایت اولنماش و بوشهادتدن هانکیسنك نه کی اسباب تأییدیه ايله ترجیح اولندیغنك ذکرى ایجاب ایدرکن بو جهتده نظر اعتباره النماش اولدیغنی دائر تبليغنامه درمیان اولنان اعتراضات مندرجات اعلامه نظراً وارد و نقض حكمی مستلزم بولندیغندن اصول محاکمات جزائیة قانونك اوچيوز اون دردنجی ماده سنه توفیقاً حكم مذكورك نقضه و احكام قانونیه دائره سنده ايفای معامله اولمق اوزره اوراقلك محله اعاده سنه و ایکی یوز غروش اعلام خرجك ایلروده حقسز چيقه جق طرفدن تحصيله ۱۶ حزیران سنه ۳۳۰ تاريخنده قرار ويرلدى .

محکمہ تمیز جزا دائره سی

محکمہ تمیز استدعا دائره سنده صادر اولان ۸ شمریه اول سنه ۳۳۸ تاريخي ۱۸۳۹ نومردی اعلام صورتيه :

« مدعی عموميلك وکالتنده بولنش اولان اعضا ملائمتك بالاخره هیئت حاکمه میاننده بولندیرلمی موجب نقضدر »

اطنه ولایتی استیناف محكمه سی جزا دائره سندن تنظیم و اعطا قلمنان ۱۹ مارت سنه ۳۲۹ تاريخ و بشیوز الی بش نومردی اعلامك تمیزاً تدقیقی مستدعی دوندرمه جی محمد جانبندن معطی استدعانا مه ايله اوراق متفرعه سی باش مدعی عموميلك مأموریت عليه سندن بتبليغنامه محكمه تمیز استدعا دائره سنه تودیع اولنش ولدی التدقیق مذکور استدعانا مه ك مدت قانونیه سی ظرفنده اعطا و شرائط لازمه سائرهنك دخی ايفا قلمدینی اكلاشلمش ایدو كندن بالقبول تدقیقات تمیزیه اجراسنه ابتدار اولندی .

اعلام مذكورك خلاصه مالی یکدیگری ايفای وظیفه حالنده ضرب ایتدكلی اخبارات ايله ثابت اولان پولیس مأموری سلیمان افندینك قانون جزانك یوز التنجی و مستدعی مرقوم محمدك قانون مذكورك یوز اون دردنجی ماده لری احكامنه توفیقاً التیشر ماه مدتله حبسلرینه و دیگر مضمون سعیدك فعل مذکورده مدخل و مشارکتی اكلاشیله مدیغندن برائته دائر بدایه لاحق اولان اعلامك محكوم مرقومان ايله مدعی عموميلك جانبندن استیناف اولنشی اوزرینه اولباده اجرا قلمنان محاکمه و تدقیقات استینافه نتیجه سنده اعلام مذکورك مرقومان سعید ايله دوندرمه جی محمد حقلرنده کی جهتك موافق اصول و قانون ایدو كندن بختله عیناً و سلیمان افندی یه عائد قسمك دخی فعل ضربك اولان محمد ايله رفقاسی طرفندن ایقاع

ایدائی اسباب مخففه تشکیل ایلدیکندن بختله قانون مذکورک قرقچی ماده قامه سی موجبجه برهفته حبس صورتیه تعدیل تصدیقه قرار ویرلدیکی متضمندر .

لایحه تمیزیه ده پولیس سلیمان افندیکنک بلا سبب کندوسنی ضرب ایلدیکنه دائر ارائه ایلدیکی مدافعه شاهدلرینک جلب واستماع اولنامسی ومومی لیهک انشای وقعه ده نه کی بروظیفه ایله مکلف اولدیغنک تحقیق اولنامسی مغایر قانون ایدوکندن بختله اعلام استینافینک نقضی استدعا اولمش وتبلیغنامه ده دخی شاهدلرک افاداتنده مابینت اولدینی وجهله مواجهه لرینک لزوم اجراسی وتجاوزه دوجار اولان پولیس سلیمان افندیکنک اوکون اجرای وظیفه حالنده بولنوب بولنادیغنک تدقیق حقنده کی طلبک اسعاف اولنادینی خصوصاته متدائر عندالاستیناف درمیان اولان اعتراضاتک اجوبه ردیه سی کوسترلمکسزین صرف تقدیره عائد اولدیغندن بختله حکم ابتدائینک تصدیقه قرار ویرلدی یولسز ولایحه تمیزیه ده مسرود اعتراضات شوصورتله وارد اولدینی کی محاکمه ضبطنامه سنده کی چیقیدیلرک رئیس محکمه طرفندن تحت امضایه النامسی دخی اصولاً مستلزم نقض خطیئاتندن معدود بولندیغندن اعلام مذکورک اسباب محرریه بناء نقضی لزومی کوسترلمشدر .

ایجابی لدی المذاکره مندرجات اعلامه نظراً مستدعی تمیز محمد حقنده بدایه ویریلان قرارک تصدیقی متضمن اولان حکم استینافینک مبتنی اولدینی محاکمده اولجه مدعی عمومیلک وکالتنده بولمش اولان اعضا ملازمی کال بکک بالاخره هیئت حاکمه میاننده بولندیرلدینی وضبطنامه ده کی چیقیدیلرک دخی رئیس محکمه جانبندن تحت امضایه النادینی منظم اولمش بواصبه احکام قانونیه مغایر اولدینی کی اولبابده کی اعتراضات استینافیه نک اجوبه ردیه سنک بیان وتفهیمی لزومندن ذهول ایدلسی دخی مستلزم نقض اسبابدن بولمش ولایحه تمیزیه مؤداسی تبلیغنامه ده دخی مرقم اولدینی اوزره بوجهله وارد وبجا کورنمش ایدوکندن اصول محاکمات جزائییه قانوننک اوچیوز اون طقوزنجی ماده لری منطوقجه اعلام استینافینک مستدعی مرقومک عائدققره سنک اسباب محرریه بناء نقضیه احکام قانونیه دائره سنده ایفای معامله اولنق اوزره اوراق متعلقه سنک محکمه مذکوریه اعاده سنه وایکی یوز غروش اعلام خرجنک تعرفه وتعلیمات مخصوصه سنه توفیقاً ایلروده حقسز چیقه جق طرفندن استیفاسنه ۸ تشرین اول سنه ۳۲۹ تاریخنده متفقاً قرار ویرلدی .

محکمه تمیز استرعا دائره سنده صادر اولده ۲۲ نموز سنه ۳۳۰ تاریخ و ۱۰۳ نومرولی قرار صورتیدر :

« ذمه مال میری کچیرمک »

شورای دولت استیناف محکمه سندن تنظیم و اعطا قلنان ۲۸ کانون اول سنه ۳۲۹ تاریخ و یوز اوج نومرولی اعلامک تمیزاً تدقیقی مستدعی مالیه نظارتی دعوی وکیلی سمعان افندی جانبندن معطی استدعانا مه ایله اوراق متفرعه سی باش مدعی عمومیلک مأموریت علیه سندن بتبلیغنامه محکمه تمیز استدعا دائره سنه تودیع

اولنمش ولدی التدقیق مذکور استدعانا مه نک مدت قانونیه سی طرفنده اعطا قلندیغنی اکلاشلمش اولدیغندن بالقبول تدقیقات تمیزیه اجراسنه ابتدار ایدلدی .

اعلام مذکورک خلاصه مائی ذمتلرینه مشترکاً مال میری کچوردکاری ادعا قلنان حیانه قضاسی مال مدیر سابق احمد حمدی وضندوق امینی کیرقور افندیلرک تحدید جزالرینه دائر بدایه لاحق اولان حکمک عندالاستیناف احمد حمدی افندییه متعلق قسمنک تصدیقه و کیرقور افندییه عائد طرد مدتک اوج ماء اوله رق تعیینله مومی الیه حقنده حکم ابتدائینک اصلاحاً تصدیقه دائر عن الغیاب صادر اولان اعلام علیه نه مومی الیه کیرقور افندی جانبندن معطی اعتراض علی الحکم استدعانا مه سی اوزرینه اجرا قلنان محاکمه ده مومی الیهک برائتنه دائر لاحق اولان حکمک تمیزاً نقض واعاده اولنمش اوزرینه بوکره سبق ایدن محاکمات وتدقیقات نتیجه سنده حیانه قضاسی مال مدیریتندن انقره دفتردارلغه کوندریلان اوچیوز اون الی و اوچیوز اون یدی سنه لرینه عائد شهریه جدوللرنده اوچییک طقوز یوز الی بش غروش ردیف طابوری تخصیصاته وایکیبیک اوچیوزدرت غروش افراد مستبدله استحقاقه ویرلدیکی کوسترلمش واشبوایکی قسم مبالغ سندات واوراق مثبته لری نقد مقامنده محاسبه ولایته کوندرلمش وجانب دفترداریدن حفظ اشارتی وضع ایدلمش اولسنه وبو اشارتک اوراق ثبوتیه نک موجودیتی تأیید ایدر مواددن بولنسنه و مکرر قید ایدلدیکی ادعا قلنان ضبطیه تحقیقاتنه عائد ایکی قلمده یدی بیک التمش بر غروش مکرر قید اولندیغنی اکلاشیله بیلیمک ایچون مفرداتنک ارائه سی لازم کلوب خزینه وکیلنک بودعوایه متفرع اوراقک باب عالی حریقنده یاندیغندن بختله اظهار عجز ایلکده اولغله محاسبه ولایته تدقیق ومندرجاتلری موافق کوریه رک حفظ جهته کیدلمش اولوب شومعامله سالف الذکر یدی بیک التمش بر غروشه عائد اوراق مثبته نک موجودیتنه کافی دلائلدن بولنسنه بناء صندوق امینی کیرقور افندیکنک برائتنه وحزینیه مالیه ضرر ترتب ایش ایه خلاف تعلیمات حرکتده بولمش اولان محاسبه ولایت مأموری حقنده اقامه دعواده مختار بولندیغنه قرار ویرلدیکی متضمندر .

لایحه تمیزیه ده ذمتلرینی ناطق اوراق و دفاتر اوراق اساسیه ایله برلکده باب عالی حریقنده محترق اولسندن ناشی یکیدن ابراز ایدیه مامش ایسه ده مقدما اجرا قلنان محاکمده اوراق مذکورنک تدقیق ایدیلرک ضوابط اعلاماته کچیرلمش اولسندن طولانی اعلامات مذکوریه بالمراجعه حل مشکل قابل ایکن استیناف محکمه سنجه کرک بورالری و کرک درمیان ایدیلان اعتراضاتک نظر دفته النقمسزین بوجه محرر اتخاذ قرار اولنمشی مخالف اصول وقانون ایدوکنندن تمامیه اعلام اخیر استینافینک دخی نقضی استدعا قلندیغنی کی تبلیغنامه ده دخی مذکور لایحه ده سرد اولنان اعتراض وارد وبجا اولدینی بیانیله اعلام اخیر مذکورک نقضی لزومی کوسترلمشدر .

ایجابی لدی المذاکره حیانه قضاسی مال مدیریتنه انقره دفتردارلغه کوندریلان اوچیوز اون الی و اوچیوز اون یدی سنه لرینه عائد شهریه جدوللرنده اوچییک طقوز یوز الی بش غروش ردیف طابوری تخصیصاته

وایکیک اوچیز درت غروش افراد مستبدله استحقاقه ویرلدیکی کوسترلش و اشبو ایکی قسم مبالغ سندت واوراق مثبت لری تقد مقامنده محاسبه ولایت کوندلش و جانب دفترداریدن حفظ اشارتی وضع ایدلش اولسنه بو اشارتک اوراق ثبوتیه نک موجودیتی تأیید ایدر مواددن بولمنسه و مکرر قید ایدلدی ادا قلنان ضبطیه تخصیصاته عاڈ ایکی قلمده یدی بیک التمش برغروش مکرر قید اولندی اکلایشله بیلک ایچون مفرداتنک اراٹه سی لازم کلوب خزینه و کینک بودعوايه متفرع اوراقک باب عالی حریقده یانديغندن بحثله اظهار عجز ایلکده اولغله محاسبه ولایتجه تدقیق و مندرجاتلری موافق کوریلرک حفظی جهته کیدلش اولوب شو معامله سالف الذکر یدی بیک التمش برغوشه عاڈ اوراق مثبت نک موجودیتته کافی دلائلدن بولمنسه بناء صندوق امینی کیرقور افندیکن و خزینه مالیه ضرر ترتب ایلش ايسه خلاف تعلیمات حرکتده بولمنش اولان محاسبه ولایت مأموری حقنده اقامه دعوايه مختار بولنديغه قرار ویرلش ايسه ده حقیقه مومی الیه کیرقور افندی مال مدیری احمد حمدی افندی ايله معاً ذمتنه مال میری کچورمس ايسه محاسبه ولایت مأمورینک وظیفه مودوعه سنی ایفاده اظهار رخاوت و تکاسل ایلشی و انلرک علیهنده اقامه دعوی ایدلک طریقنک موجود بولمنشی اصل قاعل جرمک برائتی استلزام ایده میه جکی درکار اولدیغندن قضادن مرکز ولایت کوندلدیکی بیان ایدیلان سالف الذکر اوراق مثبت نک انقره ولایتی محاسبه سندن جلب و تدقیق ايله حاصل اوله جق نتیجه کوره اتحاد قرار اولنق لازم کلدیکی و شورای دولت هیئت عمومیه سنک نقض قرارنده بوخصوصی دخی محرر بولنديفی حالده صور محرره دائره سنده ایفای معامله لزومندن بالذھول برمنوال محرر قرار اعطاسی یولسز و مغایر اصول وقانون اولوب اعتراضات واقعه شو صورتله وارد و بجا کورلش ایدو کندن اصول محاکمات جزائیة قانوننک اوچیز اون دردنجی و اوچیز اون طقوزنجی ماده لری منطوقجه اعلام مذکورک سبب مذکور بناء نقضیه احکام قانونیه دائره سنده ایفای معامله اولنق اوزره اوراق دعوانک محلی استیناف محکمه سی جزا دائره سنه تودیعه و درتیوز غروش اعلام خرجنک تعرفه و تعلیمات مخصوصه سی موجبجه ایلروده حقسنز چیقہ جق طرفدن استفا سنه ۲۸ حزیران سنه ۳۳۰ تاریخنده متفقاً قرار ویرلدی .

قانون مدنی

اسوچره قانون مدنیسی

— کچن نسخه دن مابعد —

(۲) قصداً وبغیر حق متوفایی وصیت ایتکه و بر نا اهلیت (۱) دائمی حاله قویان کسه ؛ (م : ۴۶۷).

(۳) حیلہ و اخافه و یا جبر و شدت ایلہ کرک بر مراد اخیری یایمق و یا استرداد ایچون متوفایی جهله دوشیرن و یا خود بر وصیتی یایمق و یا استرداد ایتکدن منع ایدن کسه ؛

(۴) قصداً وبغیر حق متوفانک وصیتنامه سی یکیدن یا بیله جق بر حال و زمانده اخفا و اعما ایدن کسه ؛

عفو (۲) میراندن محرومیتی (۳) رفع ایدر .

۵۴۱ ماده : میراندن محرومیت صرف شخصه عاڈدر . (م : ۹۲۵) .

میراندن محروم اولان کسه نک ورثه سی کندی مورثلری اولجه وفات ایتش کی وارث اولورلر . (م : ۲۲۵ ، ۳ ، ۴۵۷ ؛ ۴۶۱ ؛ ۴۷۸ ؛ ۴۸۰ ؛ ۴۹۳ ؛ ۴۹۴ ؛ ایلہ مق :) .

۵۴۲ ماده : متوفادن صکره وفات ایدن و وارث اولغله اهلیتی اولان کسه انجق وارث اوله بیلیر . (م : ۵۳۹ ؛ ۵۴۴) .

ترکه نک کشادنن صکره فوت اولان وارثک حقوقی کندی ورثه سنه انتقال ایدر . (م : ۳۱ ؛ ۳۲ ؛ ۳۴) .

۵۴۳ ماده : اگر موصی له موصیدن صکره وفات ایدر و وارث اولغله اهل ايسه ، وصیت ایدیلن شیئه کسب استحقاق ایلر . (م : ۳۰۳ ، ۲ ؛ ۵۳۹ ؛ ۵۴۱ ؛ ۵۶۲ ؛ ۵۶۳) .

اگر موصی له موصیدن مقدم وفات ایدر ايسه ، بو وصیتدن آنی ادا ایده جک اولان کسه استفاده ایدر . مکرکه وصیتنامه دن متوفانک بشقه بر مرادی منفهم اولدیغنی اثبات اولنه .

۵۴۴ ماده : رحم مادرده اولان چوجوق حیاً تولد ایدر ايسه وارث اولغله اهل اولور . (م : ۳۱ ؛ ۳۶۵) .

۲: فروغی حقنده
احکامی .

۳: مؤخر اوقات
ایک .

۱: ورثه .

۲: موصی له ایدر .

۴: رحم مادرده
اولان چوجوق .

(۱) Incapacité de disposer.

(۲) Pardon. —

(۳) Indignité.

ميتاً تولد ايدن چوجوق وارث اولماز .

٥٤٥ ماده : بر كمسه ذات وراثتى ويا توابعدن بر شئي بر شخصه حياتده بولنور ايسه كنديسنه ، حياتده بولنميه جق اولور ايسه ورثه سنه اعطا اولنمق شرطيله ترك ايدمبيلير . (م : ٤٨٨ واخل .)

موصى ، بشقه بر صورت كوسترمه مش ايسه ، ورثه قانونيه نك صفتى وراثتى ايكنجى درجده وارث اوله جق كيمسه به تسليم ايتمكله مكلف اولان بر وارثك صفتى كيدر .

٥٤٦ ماده : بر كمسه نك غيبوتى حكم واعلام اولندقدده ، ورثه سى ويا علاقه دارانى اوتركى ضبط ويدتصرفلرينه آلزدن ، كرك حقوق مرجعهرلى بولنان اشخاص وكر ك غائبك كنديسنه قارشو تركه نك اعاده ملخوظه سى ضمننده تأمينات ويره جكلردر . (م : ٣٥ واخل .)

موت تهلكه سى تحتنده اوله رق واقع اولان غيبوت ايچون بو تأمينات بش سنه و خبرى آله ميان غيبوت ايچون دخى اون بش سنه ونهايت غائبك يوز ياشنه واصل اوله جنى مدته قدر اعطا اولنور .

بو بش سنه مدت ، ضبط وتصرف اولندينى كوندن واون بش سنه مدت ، صوك خبرلردن اعتباراً جريان ايدر .

٥٤٧ ماده : غائب ظهور ايتدكه واضع ايداولنلر تركى كنديسنه و حقوق مرجعهرلى بولنان اشخاص ثالثيه رد واعاده ايتمكه مجبوردرلر . ذى ايلداق قواعدى هرايكى حالده تطبيق اولنور . (م : ٩٣٨) .

اكر بونلر حسن نيتده بولنمشر ايسه حقوق مرجعهرلى اولان اشخاص ثالثيه انحق استرداد ميراث دعواسنك ضرروزيان مدتى ظرفده رد واعاده به مجبوردرلر . (م : ٥٤٨ واخل .)

٥٤٨ ماده : وراثتك يوم كشادنده حيات وممانتك اثباتى ممكن اولميان وارثك حصه سى رسماً اداره اولنور .

اورتهده غائب بولندينى تقديرده ، ميراثدن كنديلرينه حصه اصابت ايدمك اولان كمسه ل وارثك موت تهلكه سنده غائب اولان حادثه دن ويا صوك خبرلردن بر سنه صكره غيبوتك اعلام اولنمى ومؤخراً كنديلرينه ضبط ايتديرلمسى حاكمدن طلب ايدمبيليرلر .

ورثه سى طرفندن غائبك حصه سى ضبط ايتديرلمسى حقنده كى قواعد توفيقاً تسليم اولنور . (م : ٣٨ ؛ ٥٤٦ ؛ ٥٤٩ ؛ ٩٣٨ واخل .)

٥٤٩ ماده : غائبك ورثه سى تركى ضبط ايتدكدن صكره ، غائبه ديكر بر ميراث دخى انتقال ايلدكه ، ورثه سائر اولكى ضبطك حصوله كتيرديكى منفعتى درميان ايدرك اشبو

(٣) بوايكى حال بيننده كى مناسبت .

ايكنجى ميراثك ضبطى ايچون غيبوتك يكدن حكم واعلام اولنمى طلبدن معافدرلر . كذاك غائبك ورثه سندن برى ديكر وارثلرك استدعا سى اوزرينه حكم واعلام اولنم اولان غيبوتدن استفاده ايدمبيلير . (م : ٥٤٦) .

٥٥٠ ماده : غائبك اموالى ويا بر تركده اولان حصه سى اون سنه رسماً اداره اولندقدده ويا غائب يوز ياشنه واصل اولدقدده ، وظيفه دار حكومتك استدعا سى اوزرينه غيبوت رسماً حكم واعلام اولنور . (م : ٥٥٤) .

اكر اخطار مدتى ظرفده هيچ بر علاقه دار ميدانه چيقماز ايسه ، اموال متروكه ورثه نك فقداق حائده وارث اوله جق اولان بلديه انتقال ايدر يا خود اكر غائب اسويچرده هيچ اقامت ايتمه مش ايسه مولدى اولان ايالته منتقل اولور .

ايالت ويا بلديه ذى ايلدرحقنده جارى اولان قواعد توفيقاً اشبو اموال متروكه دن دولاي غائبه ويا حقوق مرجعهرلى اولان اشخاص ثالثيه قارشو مسؤلدر . (م : ٥٤٧) .

اون التيجى باب

انتقال وراثتك احكامى

Effets de la dévolution de la succession .

برنجى فصل

تدابير تأمينيه

Mesures de sûreté .

٥٥١ ماده : متوفانك اقامتكاھنك وظيفه دار حكومتى تركى محافظه ضمننده رسماً تدابير لازمه يي اتخاذه مجبوردرلر . (م : ٥٥٤ واخل ؛ ٦٠٢ ؛ ٣٠٤ ؛ ٥٤٠) .

بو تدابير وخصوصيله قانونده معين اولان احواله مهر وضعى ومفردات دفتري تنظيمى وتركه نك رسماً اداره سى وصيتنامه لرك كشادى ماده لرندن عبارتدر . (م : ٥٥٢ واخل .) . اكر متوفى كندى اقامتكاھنك خارجنده فوت اولمش ايسه ، بوندن وفات ايتديكى محلك حكومتى اقامتكاھنك حكومتى خبردار ايتمكه مجبوردرلر ؛ وكندى دائره سى داخلنده بولنان اموالك محافظه سيچون تدابير لازمه يي اتخاذايدر . (م : ٥٤٠) .

٥٥٢ قوانين ايالات ايله معين اولان خصوصلرده مهر وضع اولنور .

٥٥٣ حكومت احوال آتيدده بر مفردات دفتري تنظيم ايتديرير :

(٤) رسماً اصول دعوى .

(١) تدابير تأمينيه على الاطلاق .

(٢) مهر وضعى .

(٣) دفتر تنظيمى .

(١) وارث وصایت تحتہ الندقدہ ویا النسی لازم کلدکده ؛ (م : ٣٦٨ والـ .) .

(٢) وکیل ترک ایتهمش بر وارثک اوزونجه مدت غیوبتی حالندہ ؛

(٣) بر وارثک استدعاسی وقوعندہ ؛

بودفتر ایالات قوانینہ وقواعد عمومیه یه توفیقاً وفاتدن ایکی آی ظرفندہ تنظیم اولنور .

قوانین وایالات دها بشقه خصوصلرده دہ دفتر تنظیم اولنسنی تنسیب ایدہ بیلیر .

٥٥٤ ماده : حکومت ، احوال آتیہ دہ امور ترکہ نک رسماً رؤیت وادارہ اولنسنی

٤ : ترکہ نک رسماً
ادارہ سی .

امر ایدر . شویله که :

٥ : علی اطلاق . (١) وکیل ترک ایتش اولان بر وارثک غیوبتی اوزونجه مدت دوام ایدوبده او غائبک

منفعتی بو کی بر تدبیرہ لزوم کوستردکده ؛

(٢) وارثک ادعاسندہ بولنلردن هر بری مدعاسنه کافی دلائل ابراز ایدہ مدکده یاخود

میدانده وارث بولندیفی مجهول اولدقده ؛

(٣) ورثہ نک جملہ سی مجهول اولدقده ؛

(٤) قوانیندہ بیان ایدیلن احوال سائرده . (م : ٤٩٠ ، ٣) .

اگر بر وصیتہ اجرا مأموری نصب اولنمش ایسه ترکہ نک رؤیت وادارہ سی آکا احالہ

اولنور . (م : ٥١٧) .

تحت وصایتدہ بولنان برکسه وفات ایتدکده بشقه کونا بر صورت کوسترمه مش ایسه ترکہ نک

امورینی وصیسی رؤیت ایدر (م : ٤١٣) .

٦ : ورثہ مجهول
اولدقده .

٥٥٥ ماده : حکومت ، متوفانک وارثی بولندیغنی بیلمز و جملہ سنی بیلمشدر دیه قناعت

حاصل ایتز ایسه ، واسطه علانیته سنہ سی ایچندہ علاقہ داراتی کندیلرینی بللی ایتکه دعوت ایدر .

اگر بو مدت ظرفندہ حکومتہ هیچ بر اخبار واقع اولماز و طرفندن طانیلمش وارثی

دخی بولتماز ایسه . اشبو ترکہ ایالته ویا بلدیہ یه انتقال ایدر .

میراث دعواسی محفوظدر .

٧ : وصیتنامہ لارک
نشادی .

٥٥٦ ماده : حین وفاتدہ ظهور ایدن وصیتنامہ ، حتی مفسوخیتله معلل بولنمش اولسه دخی ،

بلا امهال وظیفہ دار حکومتہ تسلیم اولنور . (م : ٥٥٧ ؛ م . خ : ٥٤) .

وصیتنامہ یی تحریر ویا دیپوزیتو صورتیله قبول ایدن مأمور رسمی ، ومتوفانک اشیا سنک

حفظنی درعہ دہ ایدن هر شخص ، وفاتدن خبردار اولنجه بواخبار وظیفہ سنی کندی

مسئولیت شخصیہ سی تحتندہ اوله رق ایفایه مجبوردر . (م : ٤٩٩ ؛ ٥٠٤ ؛ ٥٠٥ ؛ ٢ ؛ ١٠٥٧) .

وصیتنامہ تسلیم اولندقدن صکره وظیفہ دار حکومت اموال متروک کی ورثہ قانونیہ نک

ضبط وتصرفه تسلیم ورسماً اداره سنی امر ایدر . واکر ممکن ایسه علاقہ دارانی دخی استماع

ایدر . (م : ٥٥٦ ؛ م . خ : ٥٤) .

وصیتنامہ نک اننای کشادندہ ورثہ معلومه دعوت اولنور . (م : ٤٥٨) .

اگر متوفی متعدد وصیتنامہ ترک ایتش ایسه ، جملہ سی حکومتہ دیپوزیتو اولنور . و او

دخی بولنرک کشادینہ مباشرت ایدر .

٥٥٩ ماده : علاقہ دارانه واقع اولان اخباراتک ختامی آی ایچندہ ورثہ قانونیہ طرفندن

یاخود دها عتیق بر حقاری اولان اشخاص طرفندن ورثہ منصوبہ نک صفتنه صراحتہ مخالفت

واعتراض اولنماش اولور ایسه ، بولنر کندی صفتلرینی مبین حکومتدن بر تصدیقنامه طلب ایدرلر .

(م : ٢١٣ ، ٥١٩ ، ٥٩٨ والـ .) .

لدی الحاجه بو تصدیقنامه نک اعطاسی ترکہ نک مدیرینہ احالہ اولنور . (م : ٥٥٤) .

ایکینجی فصل

میراثہ استحقاق

Acquisition de la succession.

٥٦٠ ماده : وراثت کشاد ایدیلنجه ورثہ ترکہ نک هیئت مجموعہ سنہ حکماً کسب استحقاق

١ : میراثہ استحقاق
(١) ورثہ .

ایدر . و دیوناتی دخی شخصاً ادایه مجبور اولور . شوقدرکه قانوناً معین اولان استثنالرمحفوظ

قالیر . (م : ٥٩١ ؛ ٦٠٣ ؛ ٦٣٩ ؛ ٦٥٦ ؛ ٦٦٥ ؛ ٩٦٣) .

ورثہ منصوبہ نک وراثتہ استحقاق کسب ایتسنک احکامی موصینک یوم وفاتنه ملتحق

وشامل اولور .

ورثہ قانونیہ ترکیبی ذی الیدلک ماده سندہ جاری اولان قواعد توفیقاً ورثہ منصوبہ یه تسلیم ایتکه

مجبوردر . (م : ٩٣٨ والـ . ؛ ٥٩٢ ایله مق :) .

٥٦١ ماده : زوجیندن حیاتده قالانک بیوک جد وجده لرینک و بیوک عمی و داییلرینک

٢ : حق انتفاع
صاحبی

و بیوک خاله و تیزه لرینک حق انتفاع وتصرف قانونیلری موصی به حقندہ جاری اولان احکامه

تابعدر . (م : ٥٠٢ والـ . ؛ ٧٤٧) .

ترکہ نک کشادندن اعتباراً انتفاع وتصرف حق قانونیسی متوفانک اصحاب مطلوبی طرفندن

درمیان اولنہ بیلدیکی خصوصلرده حقوق مجرده احکامی افاده ایدر .

٥٦٢ ماده : موصی لهر موصی بی ایفایه مجبور اولان کسه علیهنده ویاخود بو کی

٣ : موصی لهر
موصی جهلک استثنای

برکسه تسمیه اولنامش ایسه ورثه قانونیه یاخود ورثه منصوبه علیهنده بالذات اقامه دعوی ایده بیلیرلر. (م: ۴۵۷ واخل: ۴۸۳؛ ۵۹۴؛ ۶۰۱).

اگر وصیتنامه ده خلافتده بر قید موجود دکل ایسه، موصی بهک مدیونلری قبول ایتدکلی وارلق کف ید ایدمه جکلی زماندن اعتباراً بو دعوی موصی لهرمه عائد اولور. (م: ۵۷۱).

موصی لهر، وظیفه ذمتلری ایفا ایتمه یین ورثه دن کرک وصیت اولمش اولان اموالک تسلیمی وکرک اگر وصیت اولنان شی بر فعلک اجراسنی متضمن ایسه، ضرر و زیان دعوی ایده بیلیرلر.

۵۶۳ ماده: وصیتنامه ده خلافتده بر قید موجود دکلسه، وصیت ایدیلن حقوق تصرف و انتفاعده، و معاشاتک اعطاسنده ویا سائر مقسطاً و موقتاً ایفاسی لازم اولان شیئرک ایفاسنده حقوق مجرده و دیوناته متعلق قواعد جاریدر.

موصی به، متوفانک حیاتی اوزرینه و وفاتنده اداسی مشروط اوله رق منعقد اولان سیغورطه لردن (۲) معدود ایسه، موصی له حقوقی طوغریدن طوغری به طلب و استحصال ایده بیلیر. (م: ۴۷۶؛ ۵۲۹).

(۲) موصی به اوله بق
شیئر (۱)

۵۶۴ ماده: متوفانک داینلرینک حقوقی موصی لهرک حقوقه تقدم ایدر.

مدیون، صورت مطلقه ده ترکیبی قبول ایتدکده، وارنک شخصی داینلرینک حقوقی متوفانک داینلرینک حقوقی کیدر. (م: ۵۶۵؛ ۵۷۱؛ ۶۰۱).

(۳) اصحاب مطلوبک
حقوقی

۵۶۵ ماده: ورثه، موصی بهلری تسلیم ایتدکدن صکره اولجه نا معلوم اولان دیونی ادا ایتشلر ایسه تنزیل دعواسنه حق لری اولدینی مقدره نسبتله موصی لهر علیهنده استرداد دعواسی اقامه ایده بیلیرلر. (م: ۴۷۶؛ ۱؛ ۵۲۲ واخل).

(۴) تنزیل (۳)

مع مافیه بو ورثه، موصی لهردن یوم استردادده استحصال ایتدکلی منفعت (۴) مقدارندن زیاده شیئر طلب ایده مز. (د: ۶۲ واخل).

۵۶۶: ورثه قانونیه ویا منصوبه نك ترکه دن کف ید ایتکه صلاحیتی واردر. (م: ۲۰۴، ۲۱۸؛ ۴۸۶ واخل: ۵۷۰).

(۵) میرادن
فراغت (۵)

متوفانک حین وفاتنده ادای دیندن عجری مشهود ویا رسماً تحقق ایدر ایسه، متوفای مرقوم ترکه دن کف ید ایتش فرض اولور. (م: ۵۹۲؛ ۵۹۷).

(۱) Objet du legs.

(۲) Assurance en cas de décès sur la tête du defunt.

(۳) Réduction.

(۴) Au delà de leur enrichissement.

(۵) Répudiation de la succession.

۵۶۷ ماده: کف ید ایچون مهلت اوچ آیدر. (م: ۵۷۶).

(۶) مهلت
(۷) علی الاطلاق

بو مهلت، ورثه قانونیه حقنده صفت وراثتلیرینه دها مؤخر واقف اولدق لری اثبات ایتدکجه، وفاته کسب وقوف ایتدکلی تاریخدن، ورثه منصوبه حقنده دخی کندیلرینه ایدیلن تبرعاتدن رسماً خبردار اولدق لری کوندن اعتبار اولور. (م: ۵۵۳؛ م. خ: ۵۴).

۵۶۸ ماده: بالجمله ورثه ایچون تدابیر احتیاطیه اولمق اوزره بر دفتر ثبت وتنظیم اولدقده،

(۸) تحریر ترکه
(۹) خصوصنده

کف ید ایتک ایچون مهلت اشבוד فترک ختام بولدیغنک حکومت طرفندن کندیلرله اخبار اولدینی کوندن اعتبار اولور. (م: ۵۵۳؛ م. خ: ۵۴).

۵۶۹ ماده: ترکیبی قبول ایدوب ایتیه جکلی انتخاب ایتزدن مقدم وفات ایدن وارنک کف ید ایتکه اولان حق ورثه سنه انتقال ایدر.

(۱۰) اشکالی

بو تقدیرده کف ید ایتک ایچون مهلت، او ترکه نك کندی مورثه انتقال ایلدیکندن خبردار اولدینی کوندن بدأ ایدر، ومورثک کندی ترکه سنندن کف ید ایچون معین اولان مدتک ختامیه منقضیه اولور. (م: ۵۶۹).

اگر کف ید اولمش اولان ترکه، اولجه حق اولیان ورثه یه انتقال ایتش اولور ایسه کف ید ایتدکلی حقنده کی مهلت مورثلرینک کف ید ایتش اولمسندن خبردار اولدق لری کوندن بدأ ایدر.

۵۷۰ ماده: کف ید ماده سی، وظیفه دار حکومت و وارنک تقریر تحریریسی ویا شفاهیسیله واقع اولور. (م. خ: ۵۴).

کف ید ماده سی بلا شرط ولاقید واقع اولمق لازمدر. حکومت، کف ید ماده سنه مخصوص بر سجل طوتار.

۵۷۱ ماده: مهل معین ظرفده کف ید ایتیه یین ورثه ترکیبی صورت مطلقه ده اکتساب ایدر. (م: ۵۶۷؛ ۵۷۶؛ ۵۸۸؛ ۵۹۱).

(۱۲) کف ید ایتک
حقنک سقوطی (۱)

مهلتک ختامندن مقدم ترکه نك ایشلرینه مداخله ومجرد اداره یه لازم اولان مصالح خارجنده معاملات اجرا وبو ایشلره دوام وترکه نك احوالی کتم و اخفا ایدن ورثه کف ید ایتک حقندن ساقط اولور.

۵۷۲ ماده: وصیتنامه ترک ایتمه ش اولان متوفانک ورثه سنندن بری کف ید ایتدکده کندی مورثی مقدم وفات ایتش کی آنک حصه سی بو وارثه انتقال ایدر.

(۱۳) ورثه دن برینک
کف ید ایتش

(۱) Déchéance du droit de répudiation.

اگر وصیتنامه موجود اولوبده خلافتده بر شرط منقهم اولمازسه ، وصی منصوبك حصه سی متوفانك اك يقين ورثه قانونیه سنه انتقال ایلر .

١٤) اك يقين ورثه نك (١) كف يد ایتسی . ٧٣ ماده : اك يقين درجه ده کی ورثه قانونیه نك جمله سی طرفدن كف يد اولنش اولان تركه ، افلاس دائره سی طرفدن تصفیه اولنور .

علي الاملاق . دیون ادا اولندقدن صكره تصفیه دن هر نه قالیر ایسه كف يد اولنماش کی اصحاب حقوقه عائد اولور .

١٥) زوجیندن حیاته قالاك . ٥٧٤ ماده : اكر اولاد طرفی تركدن كف يد ایتسی ایسه ، حكومت بوندن زوجیندن حیاته قالاكی خبردار ایدر ، بونی قبول ایچون بر آی مدتی واردر . (م : ٤٩٢) .

١٦) اك اوزاق ورثه لهنده فراغت (٢) . ٥٧٥ ماده : ورثه تركدن كف يد ایتدكده ، هان كندیلرندن صكره كلن ورثیه قبل تصفیه قبول ایدوب ایتیه جكلرینك بیانی ضمننده اخبار کیفیت اولنسنی طلب ایده بیلیر . (م : ٤٩٢) .

بو مثللو احواله ورثه اخیه بو كف يد ماده سندن رسما خبردار ایدیلور . بونلرك بر آی ظرفده عدم قبوللری كف ایدلش حكمنده عد اولنور .

١٧) مهلتك . ٥٧٦ ماده : وظیفه دار حكومت اسباب حقیقه مبنی تمديد مدت ویا ورثه قانونیه ویا ورثه منصوبه یه یکی بر مهلت تعیین ایده بیلیر .

١٨) موصی بندن كف يد . ٥٧٧ ماده : وصیتنامه دن خلافتده بر قید منقهم اولمازسه ، موصی لهك موصی بندن كف يد ایتسندن آتی ادایه مجبور اولان شخص استفاده ایدر .

١٩) وارثك دایرلر . ٥٧٨ ماده : مستغرق دین اولان بروارث ، كندی اصحاب مطلوبی اضرار قصدیه تركدن كف يد ایتدكده ، تأمینات ویرمدكجه بونلرك ویا افلاس ماصاسنك اشبو كف يد ماده سنه التي آی ظرفده اعتراض و مخالفت ایتكه حقلری واردر .

كف يد ماده سنك فسخته حكم اولندقدده ، تركه رسماً تصفیه اولنور . موجوددن فضله قالاك اول امرده مدعی اولان داینلرك مطلوباتی ادایه و صكره سائر داینلرك الاجفی ایفایه حصر اولنور . متبایسی دخی كف يد لهلرنده واقع اولان ورثیه عائد اولور .

٢٠) كف يد خصوصه . ٥٧٩ ماده : مستغرق دین (٢) اولان بر تركه نك اصحاب مطلوبی ، حتی تركدن كف يد ایدلش اولسه دخی ، بونك ورثه سی بش سنه ظرفده متوفان اخذ ایتش اولدقلری و تقسیمی تقدیرده ردو اعاده یه تابع اولان اموالك مقدارینه قدر مؤاخذه ایده بیلیرلر . (م : ٦٢٦ و الخ) .

(١) Héritier le plus proche.

(٢) Héritier le plus éloigné.

(٣) Succession obérée.

ازدواج ویرلشدیرمه ویا تربیه و تعلیم ضمننده بر معتاد ایدیلن مصارف و ویریلن شئیلر ایچون اصحاب مطلوبك دعوا یه حتی یوقدر . (م : ٥١٧) .

حسن نیتده بولنان ورثه ، انجق طرفلرندن استیصال اولنان منفعتك مقدارینه قدر

مؤاخذه اولنور . (م : ٥٢٨ ؛ د : ٦٢ و الخ) . ٣٨٥ ماده : ٢٨٥) .

اوچنجی فصل

دفتر تنظیمی منفعتی Bénéfice d'inventaire .

١ : شرائطی . ٥٨٠ ماده : كف يد ایتكه صلاحیتی اولان وارثك دفتر تنظیمی منفعتی طلب ایتكه حتی واردر . استدعای بر آی ظرفده وظیفه دار حكومه تقدیم اولنور . (م : ٥٧١) .

بو بابده ایفای واجب اولان مراسم و اشكال كف يد ماده سنده کی کیدر . (م : ٥٧٠ ؛ م : ٥٤ ؛ م : ٥٧٠) .

٥٩٣) . ورثه دن بری طرفدن تقدیم اولنان استدعادن ورثه سائر دخی استفاده ایدر . (م : ٥٩٣) .

٢١) اصول عاقله سی . ٥٨١ ماده : وظیفه دار حكومت ، اشبو دفتری ایالات طرفدن موضوع قواعد توفیقاً تنظیم ایدر . بودقتر موجود دیونك و بون اموالك تقدیر قیمتیله برابر اجمالی احوال ایده جكدر . (م : ٥٨٣ ؛ م : ٥٤ ؛ م : ٥٨٣) .

٢٢) اخطار علی . ٥٨٢ ماده : اكر حكومت طرفدن طلب واقع اولور ایسه ، متوفانك احوال مالییه سی حقه ده معلوماتی اولان هر شخص ، كندی مسؤولیتی تحتده اوله رق معلومات واقعه سی بیان ایتكه مجبوردر . بالخاصه ورثه تركه نك دیوناسندن بیلدكلینی حكومه اخبار ایتكه مجبوردر .

٢٣) اخطار علی . ٥٨٢ ماده : تحریر تركیه مأمور اولان حكومت ، متوفانك جهت كفالندن طولانی داین اولنلر دخی داخل اولدغی حالده ، داینلره و مدیونلره معین بر مهلت طرفده آله جقلری ابراز وقید و دینلری بیان ایتلری ایچون اخطارات علیه ده بولنور . (م : ٥٩١) .

حكومت بو عدم ابراز وقیدك نتایج قانونیه سی حقه ده اصحاب مطلوبك دقتی دعوت ایدر . (م : ٥٨٣ ؛ ٥٩٠) .

اشبو مهلت برنجی اعلاندن اعتباراً لاقل بر آیدر .

۵۸۳ ماده : سجلات رسمیه دن و متوفانک اور اراقندن منضم اولان مطلوبات و دیونات رأساً تحریر و قید اولنور . (م : ۷۱۵ ؛ ۸۸۵ ؛ ۹۴۲ و الخ .) .

۵۸۴ ماده: مهلتك ختامدن ص-كره دفتر قاپاديلير. علاقه داران طرفدن اقل بر آي
بو دفتر معاینه و تدقیق ایدیلیر. (م: ۵۸۲).

تحریر ترکہ مصارفی ترکہ بہ تخمیل اولنور . ترکہ نک مالی کفایت ایتدیکی تقدیرده ،
تحریره طالب اولان ورثه ایضا اندر .

۵۸۵ ماده : انہای تحریرہدہ یالکڑ ادارہ ایچون ضروری الایقا اولان معاملہ اجرا اولتور . اکر حکومت متوفنک ایشلرینی ورثہدن بری طرفدن رؤیت اولنسنہ مساعده ایدر ایسه ، رثہ سائرہ آندن تأمنات طلب ایدہدیلر .

۵۸۶ ماده: اثنای تحریرده ترکه نك ديوني هر كونا تعقيب اتدن ازاده در .
تحرير ترکه ائناسنده مرور زمان جريان ايتمز. (د : ۱۳۴).

احوال مستعجله دن ماعدا در دست رؤیت بولتان دعاوی تأخیر اولنور. ویکی دعوی قلمه اولناماز.

۵۸۷ ماده : دفتر قیاندن صکره هر بر وارثه بر آی ظرفنده ترکیبی قبول ایدوب
تیمه چکنک انتخاب ایتیمی اخطار اولنور .

وظیفہ دار حکومت ، ایجابِ حل و زمان لزوم کو استدراک دے ، منازعاتک تسویہ سی و بو کی احوال ساثرہ ایچون بو . پماتی تمید ایدہ بیلیر . (م . خ : ۵۴ ؛ م : ۵۷۶) .

۵۸۸ ماده: مهل معین ظرفنده وارثك تركه دن كف يد و رسماً تصفيه سنی طلب اینهكه خود تبحر بر تركه قیدیه ویا صورت مطلقه قبول ایلکه صلاحتی واردرد. (م: ۵۸۷، ۱).

واردك سىكوتى تركىنى تخرىر ايتك قىدىيە قبول ايتىش اولدىنى مقامنه قاشم اولور .
(م : ۵۸۹ والىخ .)

۵۸۹ ماده: تحریر ایدمک قیدیله قبول ایدیان ترکه با دفتر دیون مثبته ایله برابر وارده مال ایدر. (م: ۵۸۲؛ ۵۸۳؛ ۵۹۰؛ ۵۹۱).

وارث ، دفترده ، مقید اولان دیونی کرک ترکه اموالیله و کرک کندیسنک اموال شخصیه سیله
ایله محبور اولور .

- مابعدی وار -

سلائیك استیناف محكمه سی اعضای سابقه سندن دعوی و کیلی
نظرت حاضرانده

صیغه
نومر وی

۱۹ اگستوس ۳۳۰ ۶۲۱۹

محکمہ نمین جزا دائرہ سی مقرراتی — (۱) اسباب مخفہ تقدیریه

- | | | | | | | | |
|------|---|---|----|---|---|---|---|
| ۶۲۲۰ | » | » | ۲۸ | { | (۲) سرقت جرمک افعال اجرائیه سنی اکمال
ایده مامک حقنہ | » | » |
| ۶۲۲۱ | » | » | ۳۰ | { | (۳) فعل قتالک فاعل مستقلی تعیین اولتمق ممکن
ایکن بوندن ذھول ایدلسی موجب نقضدر | » | » |
| ۶۲۲۲ | » | » | ۳۰ | { | (۴) متهمک جنت موقتہ بہ مبتلا اولدینی طیب
راپورندہ بیان اولتمسنہ نظراً صرقومک
حین ایقاع جرمده دخی حال جنتده
اولوب اولدینی تحقیق اولتمق لازمدر | » | » |
| ۶۲۲۳ | » | » | ۳۱ | { | (۵) اشخاص متعددهک حریمی وبر کشی نک
تشدید جزای مستلزم ایکن بوندن ذھول
ایدلسی حقنہ | » | » |
| ۶۲۲۴ | » | » | ۳۱ | { | (۶) اسباب تخفہک مجرمیت قرارندہ ذکر
لازمدر | » | » |

۸ تشرین اول ۳۲۹ ۶۲۲۴

محکمہ نمین استدعا دائرہ سی مقرراتی — (۱) مرور زمان حقنہ

- | | | | | | | | |
|------|---|---|----|---|--|---|---|
| ۶۲۲۶ | » | » | ۱۶ | { | (۲) غیاباً رؤیت محاکمہ ده حکم | » | » |
| ۶۲۲۷ | » | » | ۱۸ | { | (۳) سرقت و تسمیم | » | » |
| ۶۲۲۸ | » | » | ۱۹ | { | (۴) اسلحہ ممنوعہ طاشیق جرمی قابلیت
ستینافیه بی حائزدر | » | » |
| ۶۲۲۹ | » | » | ۳۱ | { | (۵) منع مداخلہ | » | » |
| ۶۲۳۱ | » | » | ۲۵ | { | (۶) دلائل ثبوتیه دن معدود حالات و کیفیات
لایقلہ ایضاح اولتمق مقضیدر | » | » |
| ۶۲۳۲ | » | » | ۱۵ | { | (۷) جزای نقدی | » | » |
| ۶۲۳۳ | » | » | ۱۶ | { | (۸) مسئلہ مستأخرہ | » | » |

انجمنہ عدلیہ مقرراتی

- | | | | | | | | |
|------|---|---|----|---|---|---|---|
| ۶۲۳۵ | » | » | ۲۱ | { | (۱) تأجیل دیون قانونک امانہ محفوظ اولان
مبالغہ عدم شمولنہ دائر | » | » |
| ۶۲۳۶ | » | » | ۲۱ | { | (۲) دایسلرک جز احتیاطی وضعنہ هروقت
صلاحیتلری اولدیغنه دائر | » | » |

قسم غیر رسمی

مقالات

۶۲۳۷ مترجمی سلاویک مکتب حقوقی معلمین سابقہ سندن
و وکلای دعاویدن نظرت خارجیان افندی

امویمجره قانوننامہ مدنیسی